



明詩紀事

目錄

徐渭 十三首

渭字文長山陰人有集三十卷

四庫總目渭書畫流傳者逸氣縱橫片楮尺縑人以爲寶其詩欲出入李白李賀之間而才高識僻流爲魔越選言失雅纖佻居多譬之急管么絃淒清幽渺足以感蕩心靈而揆以中聲終爲別調袁宏道瓶花齋集文長所見山奔海立沙起雲行風鳴樹偃幽谷大都人物魚鳥一切可驚可愕之狀一皆達之於詩其胸中又有一段不可磨滅之氣英雄失路託足無門之悲故其爲詩如噴如笑如水鳴峽如種出土如寡婦之夜哭羈人之寒起當其放意平疇千里偶爾幽峭鬼語秋墳喜作書筆意奔放如其詩誠入法之散聖字林之俠客也間以其餘旁溢

已籤卷十七

爲花草竹石皆超逸有致

黃汝亨寓林集文集長詩如長吉文崛發無媚骨書似米顛而稜稜散散過之

陶望齡歇菴集文集長詩文往往深於法而略於貌文類宋唐詩雜入於唐中晚文有矩尺詩尤深與古之窮士如盧仝孟郊梅堯臣陳師道之徒所爲或未

明詩選陳臥子曰文長亦有正音李舒章曰文長詩才粗點雅人所少然其一往有雋處如部曲少將新

跨紫駟書史會要文長養白鵬以自怡號白鵬山人畫雪壓

折梅因底事不留一葉與山谿又作葡萄題云筆底明珠無賣處閒拋閒擲野藤間則自慨其淪落不偶

者卜永譽式古堂書畫錄考徐渭號天池澈生又號天

池山人鵬飛處人青藤道士海笠佛壽澈老人山陰

布衣田水月張謙宜親齋詩談文長五七言絕句令人快要是晚

唐高手陶元藻越畫見聞徐文長工畫殘菊敗荷爐瓶彝鼎

之屬皆古質淡雅別有風致畫人物極其生動青在



堂畫說曰文長醉後拈寫字敗筆作拭桐美人卽以筆染長頰而丰姿絕代轉覺世間鉛粉爲垢此無他蓋其筆妙也

山靜居畫論天池天賦卓絕書畫品詣特高狂獮處非其本色

田按文長詩如秋高木落山骨稜稜又如潦盡潭清荇藻畢露惟恃才放逸涉怪涉僻又爲袁中郎所賞識致來詆譏余特爲洗眉刷目去其怪者併者而文

長之眞詩出矣文長之言曰人有學爲鳥言者其音則鳥也而性則人也鳥有學爲人之言者其音則人也

何以異是也此可以定人與鳥之衡哉今之爲詩者日某篇是某體某句似某人此雖極工逼肖而已不免於鳥之爲人言矣可謂快論文長論畫詩云本朝

花鳥誰高格林良者仲呂紀伯矮人虎耳輒觀場只曉徐熙與崔白又云南京解元唐伯虎几杖是俱

高古又跋沈政南畫云如伯陽初生便堪几杖是俱雅中藏老又如謝夫人有林下風韻是謂秀中現雅

耳今沈唐尙有流傳妙蹟林呂絕少眞作無由賞其微

將至蘭溪夜宿沙浦

已籤卷十七

中夜依水澤羈愁不可控遠火澹冥壁月與江波動寂野聞

籟微單衾覺寒重託蹤蒲稗根身共鷗鳥夢

蕭荷花祠

卽露筋祠

荷花一夕凋萬里秋無色獨遺花烈芳千秋襲波澤揚舫邇

大湖風緊日已夕水鳥習舊栖戢羽菱菰白弔古解維毋去

岸不盈尺秉燭襄繡帷金翹儼宮額燭滅颯然中神爽凜孤

魄念此芒吻微奚啻雄虺索豈無冶容膏貞肌以爲臞念茲

不能忘惆悵至明發

贈陳君

珍木無弱羽廣川饒勁鱗皇都鬱峩峩多士如繁星陳君在

鄉曲少小馳芳聲去我三百里可望不可親昨子志廣覽自

越之燕京見君長安道一問知姓名卻復訊動止握手爲子
陳自受相公知忽忽復幾春一朝去鄉校今作太學生言溫
動有禮志壯氣自伸哲顏口若海豐下而長身再往論文史
終夕如倒困藻思蔚以妍儼與骨相并王良御八駿技絕物
有神一日驚千里安得留其行念于復南去攬策臨修程小
見同越鳥祇入槍榆羣思君不能置短篇陳素情

作松棚

種松六萬餘千五百株活長養二十年大者僅如栝西齋落
日多六月苦炎熱鄰園樹木稀遮翳不可得願言種樹資求
用此時節命兒召兩傭伐幹并其鬣幹以需柱梁鬣以備周
帀四垂慎勿卑涼風任超越時移一丈板獨踞文竹兀伸紙
二丈餘舉墨陡一潑左盤持蚌螯右疊把鬢鬢挂衣梅葉相
綠陰灑晞髮

哀窮懷遠

懷遠好詩什近體有佳聲遲余去五泄深衣遠相迎長身而
瘦頰自有山澤清命酒不停罇酒罷有餘情迨予歸來後往
往問寢興篋肩腊松火柿鏤霜秋晴寄此遠篋篋兼致倡與
賡何時卧狸首聞之使心驚道遠不得往逋此泉下羹

畫鷹

閩南編練光浮賦傳真誰寫蒼犀鷲生相出來不附人綠鞵
空著將軍臂八月九月原草稀百鳥高高兔走肥煙中斂翼
遠不下節短暗合孫吳機此時一中貴快意深林燕雀何須

避惟將搏擊應涼風誰貪飽鸞矜山雉昨見少年向南市買
鷹欲放平原鸞凡才側目飽人餒不似畫中有神氣夜來鴟
梟作精魅安得放此向人世秋風一試刀梭翅

出塞

漢將去堂堂邊塵靖不揚雪沈荒漠暗沙攬塞風黃虜帳朝
依水胡酋夜進觴舞兒迴袖無奈紫貂香

春日過宋諸陵

落日愁山鬼寒泉鎖殞宮魂猶驚鐵騎人自哭遺弓白骨夜
半語諸臣地下逢如聞穆陵道當日悔和戎

新秋避暑豁然堂

竹雨松濤響道房瓜黃李碧酒筵香人間何物熱不喘此地
蒼蠅凍欲僵一水飛光帶城郭千峯流翠上衣裳窗前古木
搖枝入好挂輕絺細雪涼

已籤卷十七

四

恭謁孝陵

二百年來一老生白頭落魄到西京疲驢狹路愁官長破帽
青衫拜孝陵亭長一坏終馬上橋山萬歲始龍迎當時事業
難身遇憑仗中官說與聽

某伯子惠虎邱茗謝之

虎邱春茗妙烘蒸七碗何愁不上升青箬舊封題穀雨紫砂
新確買宜興卻從梅月橫三弄細攬松風爐一燈合向吳儂
彤管說好將書上玉壺冰

詣五洩驢上口占寄駱懷遠

勝賞猶懸百里堤
蹶僵路滑不勝泥
溪山待客寒雲外
雨雪逢君楓樹西
束帶豈難官自懶
尺箠不重老能提
何能共轡蒼苔上
指與諸峯一題

十七夕

宣城中遠溝皆流水至是冰咽矣

銀帶邊兒駿馬馱
西牆倒酒劇懸河
高松入座無人對
明月當杯奈夜何
此際鄉心愁不少
滿城流水響無多
東房老衲憐牢落
夜夜來吹鷓打鵝

王問八首

問字子裕無錫人嘉靖戊戌進士除戶部主事改南兵部歷郎中遷廣東僉事不赴有仲山詩選八卷祗役稿原筮齋集崇文館稿

已籤卷十七

五

王錫爵文肅文草仲山擢廣東僉事瀕行過省父於家父念子遠愴然有快色仲山大悲自循其裾數日遂投劾而歸晚年攜亭湖濱寶界山環花竹木疏流泉葦奇石興至則爲詩文或行草書又時時引紙濡筆和黛墨點染山水人物花鳥詩文書畫皆佳興而發不務刻削規矩前人倘然翰墨蹊徑之外藝苑而風骨道勁渴渴筆縱體往往與高相藏醉翁亭記法同

王奉常集仲山詩儵然而清遠翩然而多姿

六視齋筆記王仲山畫極蒼古

畫史會要子裕善畫不用棚架每登眺乘輿運筆如飛最得山水閒趣但筆墨稍落南路雖爲吳人不入吳派

列朝詩集子裕詩蕭閒疏放冲然自得

靜志居詩話仲山兼擅畫書詩畫多游戲詩不起草

五言平衍者多歌行稍覺頓挫近體亦嫌牽易越縑

宣紙流徧人間披覽手轉易皆於俄頃也

多下筆不能自休字句轉易皆於俄頃也

田按子裕畫流傳者余見數種多人物筆法蒼勁是梁風子一派詩不經意矜鍊之作亦是唐人格調

自山中泛湖歸

登踐窮幽深下山日已晚餘照留青蘋歸雲度蒼巘對此生
遠心返棹意自緩川途風浪平沿流弄清淺

臨高臺送喬景叔之金陵

臨高臺瞻帝里五侯七貴歌鐘起陌上黃塵飛接天大車央
央續車前朝遊門雞房暮入長楸裏少年寶劍青絲囊錦帳
如雲百餘里臨高臺歲將暮西風川上旌吹向維揚渡金陵
草色半青青檻外長江百尺清白鷺洲前官舸發石頭城下
暮潮平回眺雒城中萬事予何有身上鷓鴣裘可換新豐酒
爲予買卻清江槎逢君須及白門花江上蓴鱸秋更美早看
君去倍思家

已籤卷十七

六

書似樓卷呈李古冲太宰

君不見滄海漚聚珠如山瞥眼收又不見青山雲長空去住
徒細縵人生如寄亦何有世上榮華一翻手五陵原上秋田
兒昔日華駒金作羈秋風蕭蕭吹白草空留徑路令人悲咸
陽宮殿亦消歇麟閣雲臺總騷屑世人認假皆成真鹿夢還
從夢中說君家茅屋山之幽髣髴天邊十二樓谿風徐來簾
上鈎落葉滿山松竹秋何時與君攜手登上頭當窗浩歌消
百憂胡爲勞形死不休醉看蜃海成山邱

田按古冲當日能咏此詩應無西市之慘

久雨新霽訪施子羽洞虛道院

迢遞思吾子春晴坐絳紗回風淒徑竹積雨滯林花落日過

仙院吹笙隔紫霞相逢不盡意一倍惜年華

與友人宿山中

舉世寡相和知心惟有君獨乘明月棹來卧碧山雲徑草露
初泣松齋宵向分覺來清唳發知與鶴爲羣

過東林菴

禪房通小徑水木抱城深豈是廬山長獨令玄度尋經闌花
雨歇院靜午香沈爲近柴桑里來清象外心

風阻三山磯抱病舟中望采石不得至寄宣城太守

霜寒碧石大江清浦口揚帆一日程今雨欲來難自料虛舟
無伴獨爲情煙消落日蒼山色風急回潮白浪聲悵望磯頭
不得渡令人空憶謝宣城

已籤卷十七

七

九華赴滇南索子再贈

送君休話別離難參領金菟回百蠻故國又青三徑草軺車
已過萬重山搖江柳暗遮行轡棘路花明照客顏傳得清都
太平曲春風歌出二龍關

文彭

六首

彭字壽承長洲人待詔徵明子歲貢生授秀水訓導

擢南國子博士百博士集二卷

詹氏小辨文彭篆分真行草並佳體體有法並自成
家不蹈父跡才似勝之工力遠不及父

圖繪寶鑑續纂文三橋善寫花果
畫史會要彭畫蒼鬱似梅花道人

列朝詩集吳人張鳳翼於國博郡博之作謂之文家
詩今觀壽承安家住近江淹宅曾讀銷魂別賦來休
承五百年來議摹本翠禽猶在最高枝亦各有致可
盡譽乎

靜志居詩話二文翰墨無忝衡山詩流傳不多以比
彭陸居周固當較勝
田拔博士七言音節清亮

黃山

江激寒濤殷曉雷黃山門下海潮迴清秋白晝蛟龍舞翠壁
丹崖錦繡開縹緲樓臺依日月虛無雲氣接蓬萊天風何處
飛黃鶴笑指王喬歸去來

春來久雨初晴過周公瑕棐几齋醉後書壁

一春已過八十日三月惟餘此日晴桃花李花總零落黃鳥
白鳥羣飛鳴湘簾掩映竹色淨棐几拂拭雲花生莫道韶華
去都盡暫時晤賞愜幽情

暮春遊虎邱

已籤卷十七

八

悟石軒前草似茵劍池水滿碧粼粼浮圖麗日諸天迴新綠
敷陰萬樹勻不到一年如隔世尙餘三日是殘春艱難莫問
烽煙事濁酒隨時且慰人

曹娥祠

江上濤聲接大荒祠前雙檜鬱蒼蒼孤墳何必山川麗一死
能將姓字揚妙迹已無王逸少題辭空問蔡中郎真魂不逐
寒煙散月落潮迴思渺茫

和王二履吉湖上二絕

春到江南何處好石湖山水畫圖開新蒲嫩柳一時綠鷓鴣
鷓鴣無數來

一簇桃花紅欲然數株楊柳綠生煙奈可春光留不住桃花

雲落絮漫天

文嘉十四首

嘉字休承彭弟歲貢生授烏程訓導遷和州學正有

和州集一卷

弇州山人倚嘉書不能如兄工而畫得待詔一體

四友齋叢說休承畫皴染清脫墨氣秀潤

詹氏小辨嘉小楷輕清勁爽宛如瘦鶴稍大便疏散

不結束徑寸行書亦然皆不逮父

無聲詩史休承畫法倪雲林雖著色山水殊有幽淡

之致

田按三樵畫不多見文水畫著意蕭疏精到之作不

減衡山和州集一卷乃猶子夢珠搜輯者張伯起序

稱存者僅僅十之二三其集外佚詩散見於書畫著

錄者較集中為優

善權洞

石室山人去不返亭亭一柱玉當門飛流實聽雷霆鬪怪石

已籤卷十七

九

虛疑虎豹蹲梁帝斗壇荒草積十仙題字古苔昏聞道潛通

三萬里幾時騎鹿看真源

濟甯太白樓

突兀高城俯碧流城頭縹緲接飛樓坐看汶泗雙波合隱見

龜鳧疊嶂浮賀監清真應不泯謫仙詩律若為酬憑欄無限

懷賢意目送孤鴻度遠洲

採蓮辭

搖棹若邪津紅粧映水新歌聲何處起愁殺采香人

秋水灘灘碧荷花渚渚香蕩舟莫擊楫沙上有鴛鴦

滕王閣

帝子久寂寥江花自開落我來讀殘碑流雲挂虛閣

題畫

雨餘沙蹟明風起波紋亂何處棹歌聲孤舟倚蘋岸

無題二首

白羅輕扇映芭蕉翠帶無風也自飄一段愁心付江水魚書
欲寄恨迢迢

月明庭院已昏黃團扇風輕夜漸涼自折花枝調鸚鵡不開
金殿瑣鴛鴦

螺子山臨北渚湄吾家丞相有新祠停舟展拜斜陽裏一壑

松風冷鬢絲

山齋山齋

已籤卷十七

十

山齋雨坐漫焚香几淨窗明竹樹涼午睡起來無一事自翻
殘墨寫瀟湘

雪浪閣

雪浪閣前明鏡開崇元觀裏一徘徊松風潭月依然在只欠

仙人跨鶴來

蛺蝶圖

蘂葡萄花開香霧裏竹窗幽鳥勸提壺閒門盡日無人到自揭
膝王蛺蝶圖

題梅花

疏枝冷蕊散寒香一樹垂垂映草堂輸卻逋仙有新句水痕
清淺月昏黃

葡萄圖

初聞絕塞歸香使復見葡萄入漢宮
彷彿湘娥垂曉珮團絲
碧玉挂玲瓏

陳澆 二首

清字道復以字行別字復甫長洲人國子監生有白

陽集八卷

藝苑卮言道復少年作畫亦學元人為精工中歲忽
樹酌二米高尙書間寫意而已其於花鳥尤有深趣
正書初從文氏欲取風韻遂成媚側行書出楊凝式
林藻老筆縱橫可賞
王奉常集白陽山人花卉大都不經意乃自佳
丹青志陳道復天才秀發下筆超異山水師米南宮
王叔明黃子久不為笑擲學步而蕭散閒逸之趣宛
然在目尤妙寫生一花半葉淡墨故毫而疏斜歷亂
偏其反而咄咄逼真傾動羣類若夫翠辨紅尋葩分
蕊析此俗工之下技非可以語高流之逸足也

已籤卷十七

士

詹氏小辨陳澆小篆瀟灑而勁
郁逢慶書畫題跋記王祿之日陳白陽作畫天趣多
而境界少或殘山剩水或遠岫疏林或雲容雨態點
染標致脫去塵俗而自出畦徑蓋得意忘象者也彼
米氏雲山卷乃獨窮盡山川之狀重疊變幻實而復
虛斷而復續煙雲吞吐草木蔽虧景有盡而意無窮
又非平日所作而已
列朝詩集道復詩取適意不求工
山靜居畫論陳道復煙林雲壑墨氣濃淡一筆出之
妙有天機而不涉畫家蹊徑不獨能事寫生山水亦
是宗家
錢杜松壺畫憶陳白陽以寫生擅長作米家潑墨極
有書卷之味
田按白陽寫生用淡墨有倪迂山水風韻弁州評其
寫生妙而不真小美評其花卉不經意乃自佳合二
人之論觀之真有玄解

題畫

見說長江無六月雨餘林壑自生寒
有人戴笠乘幽興去看

沿溪百折湍

秋林爲石佛寺僧作

西風颯颯歛濃華一味淒清亦可佳坐久不知秋色暝蕭蕭
黃葉點袈裟

彭年一首

年字孔嘉長洲人有隆池山樵稿二卷

藝苑卮言彭孔嘉詩如光祿晏使臣餽飭詳整而中
多宿物

兪州山人稿隆池書初法晉人已爲措其小者信本
大者清臣行草則子瞻

奉同衡翁太史諸公游子慎山

始覺花源近還經藥畹深石床留醒酒玉洞待鳴琴
難出穿雲不易尋祇應餘凍雪六月自陰森

陸治一首

已籤卷十七

七

治字叔平吳人歲貢生有包山遺詩

兪州山人稿陸叔平有風調而極耿介寫生得徐黃
遺意不若道復之妙而不真也其於山水喜倣宋人
而時時出已意風骨峻削霞思湧疊而不露蹊徑
畫史會要包山山水下筆輕清皴法都秀每見所作
多是秋晴景氣

列朝詩集叔平爲元美臨王安道華山圖四十幅
奇峭創成與安道相上下又與元美遊兩洞庭畫洞
庭十六景元美稱其上逼李郭馬夏而下勿論也詩
亦有秀句可誦

靜志居詩話叔平遊道復之門當時鄉曲之論謂詩
得其趣然叔平畫以工緻勝詩則與道復同流
松壺畫憶包山山水有兩種皴法而以小斧劈爲最
秀潤蒼渾不愧停雲高足弟子

田按叔平山水文秀寫生極有姿致晚與兪州遊爲
寫華山洞庭兪州極推重之時年已七十餘矣謂八
十二畫乃大成微示不足

雨前試茶

簪裹初開兩袖香小窗深處鬪旗槍砂磻活水松濤細不是

幽人未許嘗

居節九首

節字士貞吳人有牧豕集

李日華紫桃軒雜綴居商谷文衡山高足畫法簡遠清拔有宋人之致作小景貽戴子文後四十年復題其上云點染青山四十年寸縑不改舊風煙散人漫竊江湖號未買松陵一釣船其風流文雅可知矣畫史會要居士貞文徵仲高弟也山水得梅道人筆意

列朝詩集士貞書法簡遠有宋人之風畫家多稱之而未知其能詩者王德操少從士貞學詩得其手稟吳門史生亦有繕寫殘帙余合而錄之無聲詩史居商谷畫品得徵仲心傳字與詩亦自師門來而劑以趙松雪陸放翁後人珍其畫筆與朱朗侯懋功相頡頏靜志居詩話商谷詩繩削斤斤不失晚唐家數陸時化吳越所見書畫錄待詔門下叔寶得其渾厚士貞得其秀潤松壺畫憶居商谷筆意秀雅可喜

已籤卷十七

三

田按商谷畫蒼秀不盡守文待詔家法詩在文門諸人之右

楓橋夜泊

漁火宿江村何人識此情變名張儉老去國蔡雖輕獨樹橋

頭雨寒鐘夜半聲春洲有歸雁無那暗魂驚

田按沈啟南以畫見攝曹太守文徵明以畫致侮於同館嚴分宜索周東邨畫不能應幾有銀鐺之厄河南憲使孫滌陽怒張平山不時見至誘之入櫪其左手以右手畫鍾馗居士貞家故隸織局織監孫隆聞其名召見不肯往孫怒坐以通帑拘係破家僦居半塘此詩變名張儉老去國蔡雖輕當是破家僦居半塘時事也畫本雅事遇俗流輒遭侮如此

雨中

習性未能忘攤書日滿床四鄰分樹色一徑借溪光聽雨支

高枕下簾留晚香蕭閒生意在庭草過人長

秋日

槿花委露渚蓮愁無復紅粧蕩小舟濃淡雲山堪入畫蕭閒
門徑自宜秋輕舸載酒人如鶴昨夜吹簫月滿樓鴻雁已來
江欲冷白蘋風起思悠悠

舟行書事

滄江無數白鷗羣欹枕漁歌杳杳聞斷港淺浮消雪水薄陰
微斂護霜雲雞鳴漸覺人家近木落遙看浦溼分茶竈筆床
舟一葉布帆影裏見斜曛

春寒

重樓燕子隔天涯五柳陰疏未聚鴉十日春寒淹雨雪幾番
風信到梨花橫塘水長聽鶯處小巷泥深賣酒家多少朱門

已籤卷十七

古

咽絃管沈香火底按琵琶

春晴書見

金羈芳草去翩翩王謝兒郎美少年雨水已過正月後鶯花
不隔短笻前春雲擬黛山千疊畫閣籠煙柳半天燕子未來
寒食遠誰家庭院試鞦韆

春日有懷

柴門春水浴沙鳧嫋嫋垂楊短短蒲花勒淺寒迎燕子雨將
新綠入蘼蕪焚魚學士誰招隱放鶴仙人不可呼欲覓酒家
過橋去隔煙小鳥喚提壺

仲夏閒居

樹底柴門不浪開松釵竹粉半青苔綠分田水新栽稻黃入

園林已熟梅小艇送僧籠鶴去片雲載雨過湖來夕陽山好
詩難就夜合花前費討裁

中甫過齋中烹茗清談試筆寫圖因題其上

落盡藤花澗水香松風如水畫初長幽人自是山中相鶴筆
黃冠坐夕陽

周天球 一首

天球字公瑕長洲人諸生

馮元成選集公瑕善大小篆古隸行楷皆模範文太
史晚能自得蹊徑

書史會要寫蘭草法自趙文敏後失傳復於公瑕僅
見

無聲詩史公瑕少從文太史遊因以書名吳中其書
雖骨有餘而未臻化境楷書工緻殊勝行草所謂有
書學而無書才者也畫蘭石墨花頗佳寫蘭尤得鄭
思肖標格

已籤卷十七

五

詩數周公瑕以書名一代詩五言律沈婉有致七言
律尤工合作處高華整麗足上下嘉隆諸子而率以
書名掩之如遊燕諸作毘盧閣觀象臺等篇皆必傳
於後世者

秋色

小窗秋色點年華寂寞無營自煮茶賴有短牆芳草積不教

蝴蝶過鄰家

沈仕 一首

仕字子登仁和人刑部侍郎鏡子

今兩瑤華青門身本貴介志則清真野服山中江游
海覽新篇雅調遠邇齊稱
國雅山人儵然高朗以藝遊湖海間如九臯鶴鳴時
有清音

畫史會要青門雅好詩翰多蓄古法書名書援筆揮

麗花卉山水風神氣韻殊勝專門

無聲詩史青門善畫其花鳥多於山水然山水更入

妙品似六橋兩峯桃柳盡入於胸中姿態橫發耳

列朝詩集王道思序青門詩云子聞沈清門於顧東

橋以爲江湖詩人第一流也觀其樂府古詞雜詠遊

適之作至於覽觀京都視制度禮樂之鉅盛頌美糖

華麗而有則逸關諸詩意氣激發溢於聲律之外

雲厓久客川中江上偶懷

風吹山色不生雲日照澄江散綺文空憶巴陵三月酒鷓鴣

嘯處一逢君

梁孜一首

孜字思伯廣州順德人大學士儲孫以蔭任內閣中

書遷禮部主事進員外

盛明百家詩浮山能詩善畫工於翰墨

弇州四部續稿浮山畫出董北苑吳仲圭雜得文氏

三之一

藕花館

雨過湘雲捲風迴翠浪平蟬喧低岸柳魚避泛舟萍賞趣緣

山水忘懷得友生如何五嶽去方稱逸人名

華菴三首

龍字空塵章邱諸生有空塵詩集

池北偶談空塵妙於繪事落筆輒題其上曰空塵詩

畫人可之畫輒瞪目不應當其得意迴出筆墨蹊徑

之外詩亦如之五言尤超詣題王仁甫卜築云大隴

不在山出處乃適意送呂中甫山人云秋老留黃葉

風輕轉白蘋宿惠上人院云愛此疏林月兼之一磬

送吳山人歸曰下

清孤坐云雨霽聞嘯鳥風停數落花過楊九山川上

居云罽頭留宿火花徑開秋雲人以擬浩然微雲疏

一樽河畔酒未盡卽分襟歧路無他贈天涯別淚深吳山秋
月上楚水候蟲吟會有連床夢西風託素心

送呂二山人中父

惆悵別君處年年繡水濱那堪多病客仍送異鄉人秋老留
紅葉風輕轉白蘋征帆與歸雁相望倍沾巾

孤坐

多病身偏懶年來空自嗟閒眠垂老計得句亦生涯雨霽聞
唳鳥風停數落花世情真可笑一倍惜年華

王穀祥 三首

穀祥字祿之長洲人嘉靖己丑進士選庶吉士改工
部主事再改吏部以事謫真定通判不赴改大名起

已籤卷十七

七

南吏部主事不赴有酉室集

司勳集祿之詩冲澹而不尙綺靡書傲晉人篆籀入
體並臻妙品

藝苑卮言王吏部正行法趙吳與雖老健而乏雅致
少寫生染渲有法度爲士林所重中年絕不肯落筆

凡人間所傳者皆贗本也
名山藏穀祥善繪事點染花卉意致獨到卽一枝一

葉亦有生色
畫史會要酉室寫沒骨花卉韻態高雅

山靜居畫論酉室五湖包山夷門諸子大都辨香停
雲各參其法而成一家風骨清超母爲淺視

繡毬 二首

朵朵冰鏤就團團玉簇成水晶簾影外相映太分明

朵朵瓊瓏玉團團簇不開天風苦無賴推月下瑤臺

秋葵

玉貌本來潔宮粧不慣濃秋風羅袖薄飄颺若爲容

陸師道一首

師道字子傳長洲人嘉靖戊戌進士除工部主事改

禮部復改南禮部遷工部郎中進尚寶少卿

藝苑后言陸少卿中年小措化度麻姑清麗可愛

翁州山人續稿子傳繪事簡淡咄咄逼倪元鎮

畫史會要元洲畫法獨喜倪元鎮而傅染精麗者遂

不減趙吳與

田按子傳廷試策入夏桂洲手桂洲稱其文賈董字

鍾王擬第一永陵改置二甲除工部主事桂洲奏改

禮部入直內閣子傳不欲近權相請急歸師事文徵

仲友王雅宜彭孔加徵仲子壽奉休承評陸文事攷

校金石從事丹青若椀鑪香齋然竟日間從諸人汎

石湖取越來道放舟胥口尋覽虎邱上方支硎天池

玄墓靈巖鄧尉萬笏大石之勝吳中好事人操酒船

跡之於山水間取酣適而別興到弄筆得薄蹠一點

染可謂高致余見子傳小幅淹潤精緻不減文畫詩

長於摹古張烈婦行擬盧江小吏大是佳作

張烈婦行

已籤卷十七

七

嘉定張烈婦嫁汪生之子汪之母與羣惡少亂烈婦

恥之姑怒謀令一人強亂烈婦烈婦不從殺之余友

歸熙甫高其節行紀其事請余作詩

抱壁置泥塗皎然質不泯菖蒲九節花雖死常流芬十三學

裁衣十六誦詩書十七婦道成十八為君妻君家本富貴家

累千金資大觚建高橋商販名四馳高門安亭里公姥相共

居升堂見公姥稱婦好容儀置酒大設樂四座爭喧厖黃衫

少年子綠幘侯家奴謹浪聞調笑踞坐氣何麤阿姑召新婦

出見勿遲遲耳著瑟瑟環頭簪辟寒犀步搖九威鳳跳脫兩

文螭濃粧勿草草傅粉更施朱貴客握瓊玖待汝繫羅襦新

婦口不言心中自思惟少長父母側不令見男兒今在舅姑

傍內外豈有殊。起起諸少年。何用見妾爲。粧成更卻坐。抑首故徘徊。諸客不自得。恨各自歸入。門不數月。數數見所私。人語何嘈嘈。朋至何施施。出入閨闈間。戚施與籛籛。目成更耳語。無復避尊卑。新婦心內傷。掩面淚雙垂。往昔辭家日。母命一從姑。姑今旣若此。稟命將何如。入室問客于彼人。知阿誰何大無禮節。來共阿姑嬉。客于答新婦。通家卿勿疑。出入有何嫌。卿勿煩。言詞中萬不可道。雄狐來綏綏。阿姑昨入浴。邀客解裙裾。提湯見並躑。新婦大驚唬。徒跣走歸家。見母一何悲。父母擇婿時。胡不惜門楣。奔奔鴉。有偶疆疆。鵲有如關。關雎翼並翮。翮駢羽齊。豈無清白門。棄之道路。隅少小聽姆訓。貞節自操持。十三學裁衣。十六誦詩書。十七婦道成。十八

已籤卷十七

九

爲人妻。舉動循禮法。許身秦羅敷。阿姑旣失行。賤妾蒙其污。願歸供養母。苦辛長不辭。勿令蕭艾叢。一變蘭與芝。勿令瓦礫場。得混瑾與瑜。阿母見女言。搥胸大悲摧。嫁女爲永畢。不意有崎嶇。且往勿遽去。姑應有改圖。阿姑見婦去。含怒來。致詞待汝意。不薄早歸。勿趁起。一聽汝言。語謝客掩重闈。勿使他人言。婦姑有參差。阿女白阿母。我姑意已回。子婦無令人。阿姑誠善慈。穿我嫁時服。乘我去時車。入門謝阿姑。數月太區區。願姑永謝客。恩義兩不虧。低頭語客子。君當謹內治。閉門畜獮犬。慎勿納狂徒。告翁少飲酒。飲酒恐非宜。阿翁聞婦言。沈醉口鳴鳴。客子聞婦言。對母言。囁嚅阿姑聞。婦言懊惱。與榜答狂子。聞婦言。咄咄怒且嗤。吾豈爲媼少。吾豈爲媼妹。

枯楊反生華艾狠定婁豬所爲酒食謀金珠資贈遺彼雄旣
昏昏彼雛亦蚩蚩婦也獨不順爪爪生怨吞况婦誠大佳玉
雪爲肌膚修眉淡楊柳纖手瑩柔荑皓齒瓠犀粲笑臉芙蓉
披頭上玉燕釵倭髻縮青絲腰間金鳳裙雲霞生履綦誠復
與之狎豈不少且姝濁水一同流姑婦兩不訾金多得奸婦
此生足歡娛彼自謂獨清何不汨以泥彼自謂獨醒何不醲
以醲作計告阿姑爾婦太癡愚須令入我計庶不爾瑕疵阿
姑卽聽許卿其善爲謨謂婦速織幌吾將遣可兒新婦白阿
姑可兒實人奴妾豈爲奴織慎勿相輕詒阿姑慚且怒誓言
同其汙令子遠書獄留婦守空帷登樓飲狂子接坐共歌呼
酒酣錯履烏命婦前捧卮婦怒不肯應從步去不回佻達定

已籤卷十七

三

相侮起攫頭上梳新婦泣且詈還之意脂韋梳旣汙奴手豈
復可親膚寸折擲之地不復顧踟躕狂子顧自失阿姑心無
涯召容與共浴縱客人中閨羅帷忽自開直犯千金軀新婦
呼且罵抗拒力不遺舉杵奮擊撞脫走去莫追自傷潔白身
忍使行露濡十三學裁衣十六誦詩書十七婦道成十八爲
人妻舉動循禮法許身秦羅敷阿姑竟相負豈復用生爲早
得歸黃泉我身幸無虧慟哭自投地力竭四體墮綿綿氣欲
絕冥冥神已離阿姑因作念此可使人知不如滅其口快意
勝決疽爲食召諸少絜縛加羈縻前行操雙斧後行袖金椎
翁霍斧交下縱擊椎並揮婦痛願卽死不願更須更奴何不
剗刃使我頸不殊可憐金石貞竟死斧錐餘飄風東南來縱

火將焚屍皇天爲反風屍重不可移鄰里覺相報官府爲窮
治阿姑始自悔回罵諸屠沽我家何負若陷我於罪羅相攜
入囹圄不得辭刑誅縣門大道邊赫赫烈婦祠先事三日前
祠中出靈威鼓聲夜闐闐烈火炎炎飛婦死三日後彷彿廟
中趨高行合祀典有司表門閭俎豆禮常嚴青史名不渝垂
誠後世人完名當在茲

姚湔 一首

湔字元白一字秋澗江南人官鴻臚司賓

金陵瑣事姚秋澗行書出入於黃山谷趙松雪兩派
而得於松雪者爲多晚年工畫梅枝
帝里明代人文畧湔性穎異美風儀迭蕩好土居在
秦淮闔市隱園有煥館涼臺水竹之盛甲於都下四
方文士聞風來者皆爲下榻正嘉間觴詠之盛一時
傳爲盛事以湔爲地主焉

已籤卷十七

三

田接元白頗稱好事家有市隱園擅林麓之勝標爲
十有八景一時知名之士投贈詩文輒爲初紀二紀
見四庫存目元白曾官鴻臚司賓李本甯爲作海
月樓序稱曰典容後乃訛傳質庫爲業元白家豪於
貴又園名市隱致此訛傳亦命名之不善矣

題山陰劉雪湖畫梅

畫梅用墨不用色華光從來有筆力紛紛作者俱不同貌得
仙葩似荆棘補之叔雅師此老各占花枝互有得前元博士
柯九思愛將脂粉染梅枝王氏元章傳墨法雪月風煙種種
奇我明前有陳憲章牧之行之各擅塲何如今日雪湖老下
筆已覺無陳王披風洗露如玉琢老幹疏英殊渾樸方看鶴
膝出弓梢復有椒牙生鹿角煙橫眞覺暗香送水底明月疏
影弄似隨柳眼欲窺春更與梨花同入夢翁來江左兩月饒

我有鵝溪十幅綃清溪洗眼憑君掃宛到孤山度六橋

顧源 五首

源字清甫一字丹泉自號寶幢居士上元人有玉露

堂稿

春水

焦竑澹園集寶幢居士書與叔夜過庭相出入雲山點染兼宋元之致早猶盤旋能妙閒晚多率意為之迥有出塵之格而意態畢備既成題詩其上大都冷然出世語

博學

金陵瑣事清甫家藏宋元名筆甚夥善雲山樹酌米元章高彥敬而自成一家不受人潤筆多畫與騷人祔子有百年知巧消磨盡漸愧人傳粉墨痕之句余藏一幅清甫題句云策杖青林晚山寒雨溼衣野雲仍有意相伴宿柴扉詩與字均妙絕

白日

列朝詩集寶幢居士家有日涉園甲於都城陳魯南為之詩曰六朝家世舊風流猶記江南顧虎頭花竹逕深如樂苑窗櫺池繞似滄洲東晉香爐金篆字南唐畫障澄心紙米家圖畫鄴侯書平泉樹石烏皮几其勝概如此居士少負雋才高自位置非勝流名僧

不與梯接山水師小米書法懷琳落筆無塵俗氣

已籤卷十七

三

崇化寺北山瞻眺懷鶴邱秋澗丹壑三子

古洞陰厓駐煙霧四山合沓生天風新蒲密竹意自好高雲

白日心相同殘霞昉昉映虛壁鳴泉落落來蒼空故人不見

動遐想杖藜徒倚青林中

題畫

春水織文縠春花散雲錦壁上松蘿搖時見猿來飲

絕句

藤葉青莎稱體長菊花新酒滿瓢香時人若訪龐居士萬樹

雲蘿護草堂

冬日

平生未有驚人
事殘病林間一
老翁風雨小窗
心似水墨花
輕染夜燈紅

雲山小幅乃山人昔時所圖於摩登仰之室今爲仲交所得顧此宿雲寒樹秋聲滿空半山殘夢已破乃更

題一言以洗之

塵土勞生四十年白頭今已卧蒼煙山中野鳥鳴琴筑都勝

春風舊管絃

黃珍一首

珍字懷季上元人

訴慕編黃懷季書學蔡九峯間能亂真作花卉有黃笏筆意爲小詩亦可觀

田按懷季美之弟也美之富收藏都元敬與顧華玉過美之家索觀畫元敬曰姑置宋元其亦有唐人筆

已籤卷十七

三

乎美之出王維著色山水一卷伏生授書圖一卷元敬驚歎以爲生平未見懷季濡染故能畫花卉見重於時

題畫

流水聲中三兩家茅檐不礙短垣遮老翁撐杖橋邊立時有輕風落棟花

強銳一首

銳字止之溧水人有鹿莊稿考槃集

金陵詩徵止之以詩畫名筆墨清遠絕塵

題畫

瀨江昨夜一尺雨清曉開門春水生霧溼小橋人不見隔溪風送賣魚聲

王逢元一首

逢元字子新上元人太僕少卿草子

詹氏小辨王子新楷法元常草法逸少父子
顧璘息園稟于新英年遙起擅海內書名莊重沈著
脫去佻巧得鍾王遺法
金陵瑣事逢元書初學王右軍永禪師晚出入山谷
老人畫法趙松雪得其神駿

對酒

抱病逢春亦暫歡芳時對客更加餐
即看乳燕雙雙入無那
飛花片片殘潦倒不忘桃葉句
蕭閒應戀竹皮冠莫論往昔
清狂事且醉花亭首荷盤

己籤卷十七

一

俞大猷 一首

大猷字志輔晉江人世為百戶嘉靖乙未武進士除
 千戶歷汀漳守備廣東都司僉書崖州甯波台州參
 將遷蘇松副總兵官浙江總兵官加都督僉事奪職
 逮繫詔獄得釋除鎮守參將改南贛遷副總兵官再
 遷福建總兵官徙鎮南贛改廣東以事奪職旋以功
 授廣西總兵官進右都督歷指揮簽事以事還籍候
 調起南京右府僉書贈左都督諡武襄有止氣堂集

已籤卷十八

十六卷續集七卷餘集四卷

國史唯疑俞虛江詩晚得明師虛舟老隱然自負
 上道此老閉門六十年放詩鈔符內外篇按趙本學
 吾邑人以易學衍兵為俞師今其書不傳同時另有
 一趙虛舟善詩為趙王上客或誤認作一人非是
 田按志輔為胡宗憲所陷相嵩欲殺之賴掌錦衣衛
 指揮同知陸炳為行賄千金嚴氏獲免史稱炳調護
 善類此其一也志輔有志欲見功於西北其與戚南
 塘書云與今人爭面色者見功於西北其志壯矣

送龍對山汀邑侯

世流久不返民瘠視越胡汀邑民俗安曉堂坐晏如赤子平
 生念於君實起余此志持終始郡邑民其蘇

戚繼光 二首

繼光字元敬登州衛人世襲指揮僉事用薦備倭山

東改浙江參將赴援福建進署都督僉事擢福建副
總兵官晉都督同知召爲神機營副將出總理薊州
昌平保定三鎮練兵事旋改爲總兵官敘福建功晉
右都督尋以功進左都督加太子太保晉少保改鎮
廣東罷歸謚武毅有止止堂集三卷

弇州山人續稿少保師旅之什發揚蹈厲燕聞之章
清婉調暢

列朝詩集少保少折節爲儒通曉經術軍中篝燈讀
書每至夜分戎事少閒登山臨海緩帶賦詩罷鎮歸
過吳門角巾布袍偕二三文士攜手徒步方畧欲自
故將軍也少保緩靖閩湖功在東南生平方畧欲自
見西北者十未展一二故其詩多感激用壯抑塞憤
張之詞君子讀而悲其志焉
柳亭詩話成少保南塘武功將畧垂諸史冊而偶爲
吟詠亦超放自如有鄭都官羅江東筆致鎮薊遼石
門開朔風村酒不成醉落葉歸鴉無數來都使雕戈

已籤卷十八

二

銷殺氣未妨白髮老邊才勒名峯上吾誰與故李將
軍舞劍臺其曰故李將軍者指唐李藥師也
田按少保坐鎮薊門邊陲然者十六年雖訓練有
方而輔臣倚任擁護之力爲多訖江陵旣歿當國者
用給事中張鼎思言不宜於北邊改廣東怙悒不得
志以卒而長城坐壞矣將連江陳第送戚都護歸
田詩云轅門遺愛滿幽燕不見胡塵十六年誰把旌
麾移嶺表黃童白叟哭天邊

南莊卽事

野色山千里香風水半池小亭無一事白日苦催詩

江樓

半溪晴日銜疏柳無數秋山入小樓誰伴主人一瀟灑灘邊

鈞石石邊鷗

行邊述

花事蹉跎候雁催江南三月送春回薊門桃李應何限歲歲

不知春去來

陳第七首

第字季立連江人初為諸生上書邊帥授鎮撫教軍

官推補中軍遷潮河川提調擢遊擊將軍有薊門塞

曲一卷兩粵遊草二卷五嶽遊草七卷寄心集六卷

列朝詩集季立為學官弟子教授清漳生徒雲集俞都督大猷召致幕下教以古今兵法南北戰守方畧盡得其旨要勸以武功自見日子當為名將非一書生也為言於譚襄毅綸譚一見亦奇之曰俞威之流亞也起家京營出守古北懋游擊將軍胡蘄鎮者十年薊鎮自隆慶初譚威督所知又與威論兵抵掌相得慨然有長驅遠畧之志已而俞死威罷邊事憤廢督府私人行賈塞下侵冒互市金錢季立力持之督府恚將中以文法欺日吾投筆從戎頭鬢盡白思傾洒一腔熱血為國家定封疆大計而今不可為矣吾仍為老書生耳拂袖歸里角巾蕭寺徧閱佛藏人羅浮

已籤卷十八

三

遊西樵弔宋故宮於崖山窮蒼梧桂林諸勝聞焦狀元弱侯老而好學裏樞來白門離經析疑扣擊累年弱侯歎服以為弗如撰著甚富毛詩古音考其一也已復游嵩山而返久之乃卒季立不得繼俞威之後登壇為名將卒為名儒以終其學通五經尤長於詩易論兵學論文章皆鑿鑿有根據彙其四言五言古詩為一帙命曰寄心集感古之作其在萬歷中年儲危政蹟之時乎昔人有言千載而下難以情測也靜志居詩話江陵既歿論者謂戚武毅不宜於北徒之嶺南一齋作塞外燒荒行有云年年至突騎飢賊出塞燒荒灤水北枯根朽草武調和費心力從前弊食又云隆慶二載譚戚來文從火焚來春突騎飢弊政頓掃除臺城兵器重修飭迄今一十五年間閩閩雞犬獲甯息譚今已死戚復南邊境危疑慮叵測患難易共安樂難念之壯士摧顏色論者不引今昔觀紛紛搜摭臣滋惑其扼腕於封疆之事深矣一齋世書最富余嘗游閩臨發林秀才伺持其後人所輯世善堂書目求售燈下閱之見唐五代遺書琳琅滿目如披靈威唐述之歲多平生所未見不覺狂喜秀才許至連江代購踰年得報書則已散佚徒有惋惜而已

田按邊政不修由將帥剝削士卒安望敵愾武毅

薊門述詩云道逢老邊卒白髮兩垂頤不避五兵鋒
向子重致詞片言欲出口雙淚慘連洑次第吐邊情
一三容嗟贏卒當雄關營營命如絲餉餉雖有常
粗糲不可炊倉庾隔數舍兩斛月所糜強者力負歸
弱者易銖銖司陳陳恨相因循弊無已時屬夷時近關
倉皇勢莫支外以助虜奸內以邀重貽佛意戕遷卒
王制輒見糜將吏畏簡書徒增撫資貨卽彈戰士膏
莫逆猾虜姿爰立樵探法以飾賦斂悲公私黨各遂
樵探亦其宜乃今則不然歲徒傷悲楊腹出關去
目昏神尤萎或返或見停吉凶難預期哭聲應斧聲
山風轉淒其束薪未滿額公庭懼鞭笞候門吏與母
對語情弗持尙謂官家餉足療數口飢婦人處閨閣
時艱奚能知寥寥升斗間凋耗詎有差既均償馬金
充薪亦在茲溝壑立斗待十甯九此離晝夜分乘城
刁斗音空齊修築十載餘但見來胡兒治險旣艱難
恃險亦傾危莫謂兩無益誰從求端倪兼之制外役
使者紛路歧嚴工卽復停且逐使者馳終歲苦莫陳
無能揚雙眉此武毅初到薊門時事也武毅一反所
爲故能作厲士氣邊陲無薊者十六年季立集一
密政南塘戚公書云有周楷者持書稱軍門表弟託

已籤卷十八

四

蘭溪舟中

兩岸山峻峻中瀉一泓碧細雨落梅花寂寥滄洲夕布篷挂
北風擁傘足瘳瘳越鳥戀南枝君子悲行役蘭溪酒可沽醉

卧情脈脈

碧玉洞別霍益茂

飛泉灑千仞委宛隨天風仰面見絕壁蒼然松桂叢玉虹生
樹杪花雨落杯中此地一爲別東西任轉蓬

汴梁懷沈士弘

一別秋將盡計程今幾千寒霜初到草衰柳尙籠煙客思懷

人遠生涯逆旅偏不知滄海上何日乞歸田

春日登邊臺感念譚司馬戚都護

層城杳杳入蒼旻晴日春風野色新百戰空餘殘鬼哭千年
能使黠夷馴臺臨絕域分青海地接諸陵擁紫宸誰識殷勤
議開創至今辛苦尙難陳

謁培之墓

鴻飛葉落滿江秋絮酒淒淒到隴頭別去經年荒草長重來
千里暮雲愁空餘醉裡羊曇淚不上吟邊王粲樓結屋匡衡
元有約乾坤何事靳同遊

入閩關賦

冬盡霜寒折角巾看梅踏雪又南閩一瓢明月三年客萬里

已籤卷十八

五

青山五嶽身鬢髮別來心共短江湖歸去夢猶頻懸知門徑
荒蕪甚稚子開尊候主人

虔州追懷林培之

與誰同入粵中來一劍西歸意轉哀此夜相思何處月滿江
霜冷鬱孤臺

萬表二首

表字民望鄞人正德庚辰武進士以世襲指揮僉事
累官都督同知僉書南京中軍都督府有玩鹿亭稿

八卷

四庫總目萬氏世以勳績顯表獨才兼文武與唐順之
等講學禦倭亦有功績號爲儒將然其詩文氣格稍
弱終不能與一時文士角逐詞壇
國雅都督才清思遠其詩如空巖曲瀨宛轉寥夙時

復滴漉得幽閒真趣
甬上耆舊集鹿園居士著書十餘種爲詩有五韋風

味

明詩統皇甫百泉贈鹿園詩曰看君破服似儒生不
獨能文慣用兵三十擁麾當外閫一朝開府在西京
雅歌樹下留賓醉清嘯樓中料敵平更道深山尋羽
士功成亦有赤松情此鹿園實錄也
田按鹿園居士詩如抱病卻嫌辭祿晚入山猶厭識
僧多深村未雨四山暝樵徑無人一鳥鳴尤有幽趣

重宴楊水部容閣閣

涼暄雖異序煙月共斯樓又覺一年謝空憐兩度游行雲仍
駐曲密柳更移舟留客何須醉忘情但狎鷗

清道觀感懷

綠樹陰陰石磴遙碧岑丹宇倚青霄廿年不到歸何晚一月
初晴雨復飄蒨荔雲深窺洞府竹松風度訝仙韶客懷幽勝

已籤卷十八

六

偏多感不盡江聲伴寂寥

余承恩一首

承恩字青神人官永甯參將有鶴池詩集八卷

靜志居詩話鶴池爲太保肅敏公孫肅敏有社稷功
世襲錦衣衛指揮其子忤權倖調外衛故鶴池終身
不得侍禁籙詩集八卷銅梁張自甫序之

江上不寐

白髮今堪把年來肺病侵春光尊酒廢秋思客途深一枕江
聲夢孤篷夜雨心攬衣不成寐蕭索理琴音

張元凱十七首

元凱字左虞吳人蘇州衛指揮有伐檀齋集十二卷

四庫總目元凱詩推陳出新不襲策曰風骨道上伉壯
自喜淵淵有金石聲

命州山人續稿張將軍詩其格務躋於武德貞觀而稍柔之以齊梁之月露其語務出於不經人道甯有瑕壁而無完砒砒汰而使之精創而使之新非有沈深劇刻之思未易致也
馮元成選集張將軍元凱能詩而驕初爲王百穀所拔其後稍見重有司卽饒媚百穀謀野集中所稱中山狼是也其五言詩關山悲短景見女憶長安調藤
柳朝詩集左虞少受毛氏詩折節讀書既膺世爵督漕出徐淮達燕冀縱觀古英雄戰爭之地貫酒高歌入長安觀覽宮闈苑囿親見齋宮黉壇之盛作西苑詩竊比諷諫之義歸而悒悒不得志游於酒人自以放意有所不可使酒罵坐坐客皆亡去意自如也善王長公兄弟暨其甥曹子念每過弇山園鱸吸牛飲推爲酒人之雄長公敘其詩以沈始曝曹竟陵爲比左虞夷然不屑也左虞沒長公伏日曝曹得其行卷數其知之未盡爲詩一章屬其子孟儒醉而焚之殯宮

雜擬

少小結遊俠長大慕豪英六郡已脫籍三輔乃有聲藏活以

已籤卷十八

七

百數脫死常獨行風沙撲馬首關月候雞鳴將軍言郭解公子拜侯嬴彼非有一命權可當專城所以奇節士慷慨說捐生大笑東家兒殺人隱姓名

子夜

花柳發韶年妝成子夜妍弄簫成豔曲調瑟豈哀絃翡翠巢金埒鴛鴦撲錦纏不將銀燭滅看取玉人憐

江上遇蔡都尉

同是窮途歎數奇鶡冠凋敝不勝悲孤蓬夜雨天涯淚老驥秋風塞外思去國一身渾似夢歸家雙鬢各成絲長安記得相逢日正是桃花飲馬時

西苑宮詞十二首

秋殿清齋正受釐迎和門外立諸姬大官不進麒麟脯御饌
惟供五色芝

陳詞瘞玉奏鈞天西苑宮牆近籍田水旱恐煩祠后土未央
深處好祈年

夕烽千里照甘泉一紙降魔敕已傳急遣六丁乘羽駕火輪
金甲靖幽燕

靈藥金壺百和珍仙家玉液字長春朱衣擎出高玄殿先賜
分宜白髮臣

寶籙金籤燦几筵子雲正是草玄年石渠天祿如林士同校
宣和道藏編

金壺漏水響丁丁直宿宮娥坐月明潛聽象床龍睡穩玉階
低演步虛聲

低演步虛聲

已籤卷十八

八

通天臺上接三台景命重臨清醮開拜舞不同郊社禮科儀
一一聖人裁

香臺紫氣藹晴空靈貺神庥集聖躬垂拱萬年如一日禮臣
何必議青宮

真人方術鬼神愁出入金鑾駕玉虬濟北少翁曾賜爵膠東
樂大已封侯

蓬萊方丈可梯航句漏丹砂近寄將昨鑄銀山高幾許試持
玉尺殿中量

瑞氣祥雲薄海濱遠藩齊獻百千春進來白鹿高於馬馴擾
金階不畏人

方士如雲泛海槎采真元不爲丹砂萬金煉就壺中藥愁殺
仙人萼綠華

春日花下飲

春風青鬢未成絲放浪江湖只酒卮二十年來真落魄不會
醒眼看花枝

阻風

西風吹浪不能平又阻歸舟一日程正是關河愁絕處柳條
無數作秋聲

李言恭四首

言恭字惟寅盱眙人歧陽武靖王裔孫襲封臨淮侯
留守南京加太保有青蓮閣貝葉齋游燕諸集

已籤卷十八

兪州山人續稿武靖王博學好文爲一時東第之冠
此道得惟寅而始暢

王奉常集惟寅詩凡三變年少氣盛有觸易形意恆
在多既乃檢括爲深沈之思稍稍縱其性靈時復儵
然自得

詩藪國朝武臣稀習文事獨李臨淮惟寅崛起勳胄
中拘拘折節海內文士宗附如歸王次公序其詩郭
定襄後一人咸謂實錄余以惟寅文雅尙當過之
列朝詩集惟寅詩風氣婉弱時有韻致送安茂卿詩
云夢回芳草遠人去落花多藝苑至今傳之
靜志居詩話李惟寅詩如四姓小侯橋門列席雍容
韋帶叱咤彭蠡之氣都盡

漢江城樓

樓閣依山出城高逼太空帆檣入煙霧波浪過簾櫳燈火深
林裏星河流水中人家半漁者蓑笠挂秋風

爲翠山宗侯題中冷館

幽築轉溪梁春流帶草堂捲簾散飛瀑支枕聽滄浪花發關

疑閉苔深徑自藏酒徒俱白幘應不減高陽

送康裕卿山人南還

臺上黃金事有無荷衣歸且著潛夫青山何處開三徑落日
扁舟下五湖日髮自甘吾道左片雲應共客心孤尊前芳草
連天闊腸斷燕關舊酒徒

送御史大夫曾公之留都便道歸里

秣陵臺殿漢西京旌節翩翩自上卿雲氣夜浮鳩鵲觀江流
春繞鳳凰城還家不淺浮湘興開府曾傳化蜀名列柏臺含
霜露色登車南國見澄清

還山中

伏枕中原鬢欲絲五湖鷗鷺如相隨非關鄉思逢秋起但覺

已籤卷十八

十

青山與病宜雲物可堪論世態藤蘿聊爾慰心期歸來謾結
先生社紫氣豐城敢自知

陳鶴十一首

鶴字鳴埜一字九皋紹興山陰人世襲百戶有海樵

先生集二十一卷

弇州山人袁山陰陳鶴翩翩狂俠高位置恆自稱中
國陳鳴埜云楷法用墨絕肥壯而無鋒穎若龜鼈之
縮項足行草殆似枯樹敗蔓縱橫道上所書絕句如
夜深池上弄琵琶萬里星河月在沙莫怪尊前彈出
塞只今邊將未還家卻自有唐調可喜也

徐渭文長集海樵山人古詩文騷賦詞曲草書圖畫
能盡效諸名家間出已意工贍絕倫

孫鑣書畫跋跋鳴野詩學劉隨州長七言古近體
國雅陳山人鳴野詩初擬貞觀以還體晚得大厯中

意興

靜志居詩話海樵詩比於田水月雖才鋒不及而鑄
詞差醇

田按山人五七言近體刻意學唐人有唐臨晉帖之似

太倉除夕席上呈友人

頻年愜遠遊歲晚獨牽愁底事故鄉淚偏當今夜流柔風將報柳殘燭更明樓君醉且休別同子送曉籌

與沈使君風雨泊河橋夜半使君先發余沿路追不及

賦詩見懷

相逢驛西路交深難別離市橋同水泊風雨獨何之江黑一帆沒夜寒孤夢遲仙踪無處覓推枕益淒其

九里涇訪王鴛部

欲過王維宅獨行川上沙水邊尋隱處竹裏問人家亂葉疑無路枯藤尙有花入門忘款曲攜手說年華

己籤卷十八

十一

題童侍御野間隱居

草堂依近郭欹徑竹邊分坐見平湖水行看千嶼雲鄰僧閒自至漁榜夜相聞澹澹煙林外清真獨有君

炎居苦俗因入蕭山養病張子成郊園

炎天病起厭逢迎借爾深山且避名偶對野翁忘出處暫隨農侶話陰晴林猿乞果時穿木海月窺人夜過城賴有流泉能灌圃隔窗時見藥苗生

卧病雙溪山館見月寄張有功

溪邊桑柘映雙流病裏蕭條賦四愁坐雨幾宵方見月別君一日已成秋山深倦鶻猶依樹風靜飛螢自上樓託迹文園須共遣莫因鄉國歎羈留

春暮入蕪城過眞州感賦呈蔣南冷諸公

兩月蕪城醉酒樽
逃炎復入海西村
去年芳草又重綠
舊日故交無半存
風景祇添江郭柳
月華還認旅人門
逢君且誦別來句
時事到今難盡論

旅館病起奉寄近山白崖諸公

新橋客舍俯橫塘
柳色千門路轉長
卻病且須辭酒伴
習閒還欲借僧房
日高花氣蒸書案
風過潮聲到石床
巷陌春深芳草綠
故人車馬在何方

郡侯復蘭亭成攜酒邀余漫述

郡中無事日邀賓
蘭渚登遊送酒頻
地僻漫忘重九節
亭新如見永和人
繞田曲澗初分水
照檻崇山舊是鄰
行樂豈須傷往代
且拚酌酌荅芳辰

已籤卷十八

三

登山

瓜州霜落雁初飛
鐵甕城寒樹漸稀
南國興亡在何處
金山殘月夜潮歸

送張舍人還永嘉

幾年相憶在京畿
一過吳門便拂衣
君似舟前夜潮水
纔臨江口又西歸

姚福四首

福字世昌一字宋素上元人世襲錦衣衛千戶有風

樹亭稿十二卷

朱緒會金陵詩徵風樹亭稿惟桐鄉金氏文瑞樓詩目有其名余至武林訪其書十載不獲後於四明盧

氏抱經樓始見鈔本十二卷卽金氏物也盧氏書不許出樓因手鈔以歸又於武林書肆得世昌所著定軒詩話
田按世昌所著青溪暇筆二十卷 四庫著錄三卷 非足本也世昌詩選家多未錄余從金陵詩徵獲詩數首音節高亮亟登之

石頭城

虎豹關門控上游旌旂高揭彩雲浮開基地勢雄吳楚分野
天文燭斗牛黃屋萬年安九鼎朱藩千里走諸侯康衢甲第
連雲起今代長安是石頭

秦淮

渺渺晴波帶石城朱衣當日費經營埋金術陋天應笑持璧
人來讖可驚估客帆檣衝暮雨驛樓燈火出寒更俛懷載酒
東游日一路哦詩沂月明

已籤卷十八

初夏漫興

一歲無如首夏清扶疏繞屋樹陰橫香銷幽夢出孤枕睡起
疏鶯時一聲貼水小荷初展翠出墻新筍乍開縵年來習懶
真成懶羸得閒門少送迎

鍾山

王氣龍文散鬱葱山靈常護大明宮甘泉下繞祗園迴瑤草
斜分輦路通天近平臨辰拱北地高先見日生東鼎湖龍去
烏號在瞻仰橋陵氣象隆

王元坤 一首

元坤字德載上元人錦衣衛指揮有雅娛閣集

題山陰劉雪湖梅譜

我昔衝寒夜陟孤山巔老梅千樹拏蒼煙玉虬凌風出巘岵
銀鱗鐵骨爭蜿蜒叢梢攫月凝寒魄湖面平吞萬頃碧一林
繁影競橫斜十年香夢成乖隔邇來放棹遊鳩茲邂逅山陰
老畫師畫師自號雪湖叟青瞳綠髮煙霞姿對我濡毫披簡
素自言慣寫先春趣須臾一枝兩枝出寒芳拂座驚相顧冰
皴雪萼信意生巧因神運隨經營春光祇訝筆頭洩卻疑重
向孤山行我聞叟名二十年神交已在相逢前何意追隨在
逆旅等閒傾蓋非徒然明日離居悵揮手爲贈長歌見情厚
秋風有約過都門展圖共醉秦淮酒

劉銳一首

銳字蓄之海鹽人世襲海甯衛指揮使有春臺集

已籤卷十八

丙

田按蓄之曾入西村詩老瀛洲社

過山家

幽蹤何所適來訪野人家藤老高懸樹溪清淺見沙飯牛歌
白石養鶴長丹砂渺渺乾坤裏吾生亦有涯

李元昭一首

元昭字用晦杭州人世襲千戶有岫嶼山房集

列朝詩集用晦世襲千戶棄不就與童侍御南衡方
職方十洲輩結社西湖其詩皆明農習隱之言

新昌蓮峯呂山人夜攜魚酒過訪邱中因作

日入林壑晦乳犬吠檐隙下榻蕪蘭膏邂逅滄浪客孤條貫
溪魴瓦瓶挈村醪傲睨不作禮蒼霞飄短掖班坐肆吟笑河
漢倚寒席墟落交廣風松篁自相夏優游塵外懷樂此杯中

適第覺五情爽冥然會玄默

黃喬棟 一首

喬棟字以藩晉江人官參將

青溪柳

臨溪處處曉煙浮楊柳依稀映碧流
半含遲日麗嫩條斜帶惠風柔
好憑隴上傳新曲漫向尊前動別愁
學話雛鶯將出谷春光已在水邊樓

狄從夏 一首

從夏字以忠臨清衛人官參將

詠懷

西風肅以厲日夕摧百草一雁過長空
遊子悲遠道素位心

已籤卷十八

五

已慚拂衣胡不早日月馳如流
紅顏成醜老歸採故山薇頽
齡庶可保

明詩紀事

賈陽陳 田輯

已錄

施漸 五首

漸字子羽無錫人歲貢生授海鹽縣丞有武陵集

藝苑卮言施子羽如寒雅數點流水孤村惜其景物蕭條迫晚意盡

國雅施少府詩各詣妙境風趣冲寂余哭少府詩云憶昔南塘別嗟君如逝川浮雲無俗累秀句有人傳

高龍生秋草空山響夜泉知音不可作長嘆絕悲絃盛明百家詩武陵詩精雅閒遠絕類王孟

靜志居詩話子羽僅初舜咨與華子潛酬和時號錫山四友三君皆非華敵子羽差優

田按子羽近體措詞清遠琢句圓成

贈金山智公

已籤卷十九

四顧水皆繞所居幽出塵齋鐘不到岸漁火自來鄰心共寒

潭澈經翻貝葉新住山知有道一叩了無因

飲補菴菰川別業

宛然一水外已是隔塵緣深竹常留客幽齋頗近禪疏林澹

殘照遠岫起寒煙席上俟芭醉知君好講玄

送唐和州

高才試補外卧治若烹鮮郡卽宣城勝人如謝眺賢彈琴對

江嶼聽訟稅桑田不久石渠召經疑待爾箋

冬日游天竺寺

緣湖始忻往退覽歷幽尋山到不容路雲藏猶有林階前寒

澗落榻下白雲深積雪千峯裏寥然空世心

賦得江帆送蔣氏歸儀真

掛席發秋早微風已滿橋中流片影去遠水一舟將海雨忽來重江雲相送涼知投孝廉宅三徑接蒼茫

王懋明 一首

懋明字僅初長洲人僑居錫山

宿玉陽山房

澗道行轉深餘霞滅殘景燃燈宿山房枕席雲泉冷始知玉潭偃乃有真仙境不寐若有懷嗟語下松嶺

姚咨 一首

咨字舜咨無錫人

送人游句曲

己籤卷十九

二

鳧鳥鶴袍辭世紛望三峯下禮茅君祈年欲啖金光草好道甯披玉檢文絕巘琳宮當日見上方清磬隔花聞山中儻遇陶宏景願乞松風與白雲

魏學禮 二首

學禮字季朗長洲人歲貢生選鎮江訓導遷國子學

正出為廣平同知

田按季朗與劉子威倡和學子威體有比玉集六卷
鈎字摘句期與古合如東施之效擊令人齒令季朗
清才為習氣汨沒緇能點素賦可污人君子慎於所
習焉

宿泉上人山房

暮春到湖上遠聞鐘磬音古寺白雲在亂山殘葉深爐香坐
清夜月色卧西林因悟空王理聊同靜者心

和章憲副豔詩

翠館雲樓花欲晴
新粧初就曉鸞驚
莫愁艇子知何處
露濕夜香到月明

度江歌

焦山東過是金山
一艇西來煙霧間
往代才人知有幾
獨教謝朓擅江關

項元洪二首

元洪字子瞻
秀水人以貴為光祿
署丞有少岳山人

集四卷

田按子瞻五言近體有韋王遺韻

東園秋霽同諸弟攜樽眺賞

己籤卷十九

三

誕媪子成癖
清狂爾較深
言同池上酌
來聽竹間琴
水氣澄荷檻
秋陰抱石林
涼風一披拂
竟日懶衣簪

月堂夜坐

絕磴出雲危
虛堂向晚披
竹開留客徑
樹剪礙山枝
海月當窗倚
湖帆俯鏡窺
投簪屬清曠
永夜不知疲

周沛一首

沛字允大
紹興山陰人
給事中祚子
入貲為郎官
鄭

州同知有浮峯集

饒沈懋學時萬參戎復起淮上

爾去當殘臘
共如霜露何
到時春草徧
隨處故人多
脫劍留燕市
題詩贈汨羅
淮陽舊遊地
取醉一高歌

錢元鼎 一首

元鼎字實夫桐城人官鴻臚寺丞

旅懷

江花江草喚新愁旅食京華已倦遊
社日雨晴喧燕雀清明節近感松楸
吟邊寶瑟誰同調物外仙槎可自由
故國雲山好歸去拂衣還爲故人留

遊茅山

洞口尋眞處處通瑤芝石髓思無窮
山中秀句推張雨物外丹砂慕葛洪
澗水有聲消積雪山桃無語待春風
瓊樓鏡檻題應徧鶴背吹簫繞碧空

吳瓊 一首

己籤卷十九

四

瓊字邦珍休甯人有傲帚集

田按徽州有兩吳瓊一字德輝嘉靖乙未進士一字邦珍處士也詩綜誤以邦珍詩屬德輝余檢吳氏竹洲秀衍集乃知其訛

寄戴子京

寇攘無休歇乘桴何所之
艱虞吳下客禍亂海東夷
家遠郵書阻囊空歸計遲
涵山千嶂外矯首動遐思

蕭引鳳 一首

引鳳字光儀南昌諸生官攸縣典史有望羊樓集

野漲茫茫浸白煙蘆芽只在釣船邊
漁家近日常生涯好網得江魚不賣錢

巖怡 一首

怡字士和如皋人以貢爲博平訓導有石溪集

閨意

重重簾幙障紅樓深鎖東風二十秋怕見樓頭連理樹不曾
容易上簾鉤

盧楓一首

楓字拱辰南通州人歲貢生有白狼山人集

獨酌

新生竹笋拂牆高燕子飛飛壘舊巢濁酒一杯閒獨酌刺桐
花下薦櫻桃

曹大同一首

大同字子貞南通州人以貢除光祿署正有玉芝樓

己籤卷十九

五

稿

擬阮步兵詠懷

蒼林有衰歇頽波無來還嗟此區中土丹砂不駐顏擾擾苦
行役勞生安可閒願躡薊萐輩竦身超塵寰鬢髮三珠宮瓊
水弄潺湲應龍扶靈輿倏忽經崑山俯視濁穢中鸞鶴焉可
攀

趙完壁一首

完壁字全卿膠州歲貢生除兵馬司指揮以忤陸炳

下獄尋釋遷鞏昌通判有海壑吟稿十一卷

四庫總目完壁集中北司獄中七律二首序云嘉靖甲

寅秋曹檄捕豪校某因獲罪東湖劾執坐死賴元老
科臺之力僅復瓦全東湖者陸炳別號也炳爲錦衣
衛都督與嚴嵩表裏爲奸其勢張甚完壁以指揮末

秣能與之抗其獄中與楊繼盛偁和繼盛死西市完壁作楊烈婦詞以哀之有小雅怨誹之遺可謂志節之士矣

楊花

何處楊花小院輕捲簾孤坐午風清一春寥落江南夢腸斷
吳姬勸客情

春殘漫書

嗚殘野鳥春歸去開徧好花人未知向曉高堂對清鏡蕭騷
惟見鬢邊絲

賈夢龍一首

夢龍字應乾嶧人歲貢生官內邱訓導有泮東吟稿
昨夢存稿

己籤卷十九

六

重九前一日遊滄浪夜坐

紅樹蒼山秋水清晚雲微斂月光生幽人隨意淺深酒童子
和歌長短聲舊日留題仍石壁十年奔走愧塵纓山中行樂
無拘束愛結青牛道士盟

王巽二首

巽字德灞淄川諸生有遊晉草客越集

趙州道中

煙滿寒溪水遶城那堪疲馬倦遊程最憐回首腸空斷落日
河橋酒幔青

游山

曲曲山溪似若耶石橋斜畔野人家門前不是桃源路澗水

浮來半落花

襲勛一首

勛字克懋一字懋卿章邱歲貢生除江都訓導歷威甯教諭遷開平衛教授有懋卿集

池北偶談襲勛少貧牧豕年三十始補諸生時邑中李太常伯華袁西野崇冕方尙金元詞曲易謂傷雅道獨與濟南殷正甫李于鱗許殿卿爲古文辭相友善所著有太極圖解性命辨劉尙書白川稱爲朱元晦功臣王伯安諍友

立秋

煙雲黯淡仲宣樓在萬年華逝水流白首鄉山千里外滿城風雨又新秋

邱雲霄一首

己籤卷十九

七

雲霄字淩漢崇安人以貢生選國子監典籍簿遷聊城知縣有南行集四卷東遊集二卷北觀集四卷山中集十卷

靜志居詩話松陽徐夢陽云止齋詩雅澹勁古景真情得

黃鍾渡口

野草沿江四月花驚心隔水夜來蛙柳隄月下自孤棹茆屋江邊凡幾家青山點點南徐出白鳥飛飛古渡斜路入風塵數千里人從斗外望京華

張循占一首

循占字元易蒲州人官光祿署丞遷眞定

有嘉

樹齋集

送黎惟敬奉告歸嶺南

別後誰從祕省尋
坡垣深鎖碧梧陰
暫辭丹禁仍簪筆
欲買青山有賜金
雲樹千層勞悵望
星槎萬里繫歸心
相思莫道無鴻雁
庾嶺梅花好寄音

沈堯龍一首

堯龍字易之湖州人貢生有列藝集

懷凌文學載霖

故人東謁桐川令
桃花磯畔新水平
水流不停人已遠
花飛欲盡愁還生
斜陽照檻青山出
輕風拂樹黃鸝鳴
落帆一片泊何處
佇立汀洲空月明

李奎一首

己籤卷十九

八

奎字伯文錢塘人以布政司吏再考從事錦衣有閩中遊燕金陵諸稿

列朝詩集伯文起家刀筆從事錦衣雅善詩跌宕自
豪從齊人謝榛遊傾動諸公卿陸太保炳掌錦衣不
敢以從事史遇之引爲上客而錦衣經歷沈練文章
忠義士也兩人深相結納調護一時諫臣論劾執政
先後下詔獄者人皆歸功於炳而不知伯文與練陰
爲之地也鍊具疏將劾相嵩父子舉酒屬伯文以後
事伯文口雖不言心已許之已而下獄嵩父子力構
寘之死伯文傾身庇之得未減田塞上世蕃詞知之
欲中以奇禍乃脫身歸里中與方太守九敘沈山人
仕結社湖山之閒年八十餘卒葬西湖之上歸安茅
坤伐石而表之曰詩人李珠山之墓

西湖舟中

春半出門春可憐
黃鸝隔岸嘯春煙
墟頭沽酒飲不醉
更向西湖呼酒船
葡萄荔枝酒色紅
銀缸金碗須臾空
但令一醉

卧明月莫使醒眼看春風鳳凰山頭春草綠金牛湖上花成
簇日落歌聲水上來畫欄笑倚人如玉

仲春龍二首山林入骨生貴意

春龍字原仁秀水人太學生官中書舍人有九山樵

子稿

直中作

條風輦道淨微塵內詔傳宣促侍臣別殿香飄黃帳揭纏龍
帖子賜宜春

朱永年一首

永年字仲開儀真人歲貢生官光山知縣有仲子集
春日同象安過芝溪別墅

己籤卷十九

九

芳草經時綠沈冥獨閉關白雲生戶外流水到花間林迸春
前荀窗含雨後山裏雞犬寂疑是入商巖

張之象一首

之象字月鹿一字玄超松江華亭人以太學生入貫
授浙江按察司知事有剪綵翔鴻聽鶯避暑題橋倚

蘭擊轅佩劍林栖仙隱秀林新草諸集

田按玄超博綜著述甚夥集中詩多填砌殊少別裁

晉司徒掾張翰

季鷹性曠達本自山林人浮生貴適意何物羈我身命駕凌
秋風拂衣還海濱野膾戀瓊鱸溪羹甘紫蓴一杯幸可託萬
鍾甯足論黃花有遺唱情素藉此申

吳承恩 一首

承恩字汝忠淮安山陽人官長興縣丞有射陽先生

存稿

大泌山房集汝忠與徐子與最善往還唱和今按其集率自胸臆出之以彼之才僅爲縣丞以老一意獨

行無所攀援附麗豈不賢哉
靜志居詩話汝忠論詩謂近時學者徒欲謝朝華於已披而不知漱六藝之芳潤縱詩溢縹囊難矣故其

所作習氣悉除
郭麐靈芬館詩話射陽先生詩筆清而不薄潛而能

雋對酒云客心似空山閒愁象雲集前雲在飛去後
已連翩入齋居云窗午花斜揚林陰鳥聲樂冬日送
人云馬蹏鳴凍雪鴉腹射斜陽長興尉作云祇用交
章供一笑不知山水是何曹秋興云河漢白榆秋歷
歷江湖元烏晚飛飛數聯皆能脫去塵滓儵然自遠

金山寺

何年地湧金山寺四面空濤捲雪流佛性眞同秋月淨客身

己籤卷十九

十

暫爲水雲留龍宮夜久雙珠現鰲背秋高片玉浮醉倚石欄

時極目霽霞東起金銀樓

明詩紀事

貴陽陳 田輯

岳岱

岳岱七首

岱字東伯蘇州衛人有山居集三十卷

列朝詩集山人家陽山去許市可數里花木翳然修竹萬挺山房依白龍塢自稱秦餘山人又以系出相

臺號漳餘子性狷介不妄與人交能詩善畫王士禛今兩瑤華題辭東伯所撰是書卷中十四人

率皆嘉靖時吳中隱逸才俊之士亦猶唐人錄篋中

之意可備明詩一種田按東伯輯今兩瑤華作者凡十四人崑崙山人張

詩五岳山人黃省曾慈泉山人袁昭陽兩舟王濟時

川姜龍桃谷陸倬陽山湯儒石川張寰大石山人顧

元慶謝湖袁璣嵩山徐伯虬九嶷顧聞少溪王延陵

青門山人沈仕東伯自序云躬耕之暇竊思慕古人

馳驅六義不忘詠歌之道自謂操縵有素為山

將成稍能斟酌異同緣覈今古林邱高逸道合素風

指紳先生下交白屋或千里而命駕或三徑以為鄰

或以忘年誓好或以講討昵親並能發揮造化之微

吐納風雲之氣灑翰託寄對酒廣和欣合怨離絲情

體物投我篋笥手錄成編所謂德音不忘逸之士賴

東伯集雖緣親昵裝飾溢分然其中佚逸之士賴

茲以傳阮亭謂可備明詩一種亦公論也至其所作

逸情別調風致翩翩詩綜錄一篇未見所長余廣

為甄錄以作瑤華之報云爾

詠懷

平生好雲山圖繪乃遊藝筆吐造化心狀此雲巒勢變幻伴

神功頃刻呈地志煙霞出膏肓肺腑流蒼翠虛無起遙岑杳

冥藏遠樹溪橋過山村迴隔人間世往來盡漁樵荒塗少輪

駟茅舍多清風仙者時遊戲萬戶與千金此樂曾不翅憂懷

若冰釋不知老將至因思伏犧畫當令鬼神忌

折楊柳

垂柳挂江頭朝朝上綺樓折來無遠使遊子在邊州雨送參
差淚花飛歷亂愁蛾眉空悵望翠葉易逢秋

龍母祠

石瀨淺淺山木蒼五湖祠廟接瀟湘靈衣珠珮無消息桂棟
蘭橈有夕陽白酒土人來禱旱絳幃玉女對焚香季春歲歲
龍歸異千古風雲近草堂

落日

讀書竟日衡門中起眺落日西南峯烏趨返照向東嶺雁急
暮寒鳴北風修竹浮浮結暝翠疏花瑟瑟餘小紅秋山鐘磬
清耳目石林隱約青蓮宮

金陵

已籤卷二十

二

金陵王氣斗牛間西下浪江鎖北關眞主旌旗來泗上孝陵
弓劍闕鍾山烏龍水落芙蓉冷翠柳樓空夜月閒遲暮未消
遊俠意秋風匹馬鬢絲斑

聽歌

能使新聲入舊詞秋風江上夕陽時曉來定有花含淚莫向
尊前唱柳枝

悼樂工劉淮

曾隨正德年中駕親見昭陽殿裏花燕趙悲歌何處覓旅魂
飄泊楚天涯

呂時十首

時初名時臣字中甫鄞人有甬東山人臺七卷

甬上者舊集山人客衡藩衡莊王嘗起高樓眺遠偏
召一時名士時日景既夕疏星尚微王與客東望憑
欄一而月光漸上偏照四座王甚歡因少下座徐樓
客各賦詩以進王未善也時山人最年少曰徐漢
一斷句曰川原夕氣交暝色自相向月猶藏海底人
已坐樓上王大喜謂能得待字義因手觴延山人上
座偏示諸客山人遂一日名重晚客藩藩宣王禮之
亞於謝榛
靜志居詩話中甫以避仇客歷下與李中麓楊夢山
切劑酬和詩品在二人之間同時曳裾王門者多遜
之
田按甬東山人刻意尖新雄快之作差近大雅

銅雀臺

魏祖兆黃星神器若天假銅雀何麗哉峻極失大厦燕趙刮
鉛華齊梁疲陶冶延袤互無地層冥煙霧酒八極圍寸眸雄
觀絕天下漳河不斷流千秋一平野日落鬼狐嘯焉知誰氏

已籤卷二十

三

者但見耕田夫爭賣土中瓦

句章里寄城中諸社長

白石江鄉家益貧聖朝漁父不稱臣門前海水通三島谷口
人煙雜四民手種參苓義世藥心知雞犬漢時鄰卻憐叔景
浮雲薄留得黃冠一季真

憶環谿草堂託雲間張公子寄雲門沈大參

白苧當年憶勝遊芳尊早暮共登樓秋風故國張公子明月
雙谿沈隱侯花氣尙憐吟處醉江聲不斷別時愁吳淞水煖
鱖魚美何日重來泊釣舟

谿堂

妻兒寄鄰屋盜賊橫江鄉惟有鷗無恙清波照草堂

歌風臺

臺上風迅號臺下水流急荒田集凍鴉漢王湯沐邑

閒行卽事

竹屋炊煙四五家門前潮水遶寒沙道人日晚乞食去鵝鴨

滿田蠶豆花

候劉伯達不至

野鶴淨雲不可招青山四壁晝寥寥閉門只好焚香坐聞卻

斜陽過石橋

相州禪房

空門獨擁鹿皮眠何處紗籠引夜僊忽聽趙王新樂府安陽

橋上水如天

已籤卷二十

四

憶天台

荆門下水四千里十日九日風雨來歸到家山正初夏買驢

自好入天台

述所見有感

春明門外厭青春白馬繁纓紫綬新我向長安病三月風塵

無地著閒人

周詩 四首

詩字以言崑山人有虛巖山人集六卷

皇甫少玄集以言有聰明之資浩曠之才虎阜維揚

京師諸篇琅琅可誦而落魄不羈時復委散篇翰寥

落收血莫顧惜此奇寶棄諸泥塗僕知以言後世不
知當年長恨誰任其悔乎
皇甫司勳集周山人雅精於詩兩遊越中得詩數十
首咸足稱美近體如甲岳墓登天竺諸篇特爲藝林

所賞至留別西湖一篇尤爲選體之冠
藝苑卮言周以言詩如中智芘芻雖乏根具不至出
小乘語
田按山人精於醫所著素問箋解惜不傳詩爲皇甫
兄弟所激賞其興趣亦與皇甫爲近

謁岳鄂王墓

將軍埋骨處過客式英風北伐生前烈南枝死後忠山河戎

馬異涕淚古今同懷斷封邱草蒼蒼落照中

列朝詩集浙江提學孔天胤自翰林出雅負知詩閱
岳王廟題壁詩曰何事芥吾壁也命隸人簞墨掃之
至以言詩乃大驚立命駕往謁與定交

九日登虞山大石望吳中諸山有懷華陽

茱萸逢令節攀折漫爲驪風景登高盡離憂對酒寬林虛殘

照入峯遠斷雲攢吳甸蒼茫裡懷人百里看

已籤卷二十

五

白谿篇爲吳子賦

探秀深谿止高人思不窮仙巖回合裡靈壑杳茫中震澤餘
霞委淞陵曲野通夕沙流素月秋水逗賓鴻花色彌霜鏡漁
歌遞遠空一舟沿泛處瀟灑更誰同

真定登大悲觀音閣

花城宛轉金宮麗珠樹玲瓏綺閣環風磴萬盤迴北斗大河
千里俯南山人天陡接煙霞祕龍象平臨日月閒劍倚星辰
流妙矚彩毫長振白雲間

邊習 二首

習字仲學厯城人尙書貢仲子有睡足軒詩一卷

池北偶談邊華泉先生仲子習頗能詩其佳句云野
風吹落帽林雨忽沾衣又薄暑不成雨夕陽開晚晴

而老蠲貧糶至不能給朝夕以死則先生清節可知也

訪顏煉師歸途值雨

琳宮尋羽客相見惜多違
數語不能別一筇還獨歸
野風吹落帽林雨忽沾衣
入夜思難置夢隨黃鶴飛

早秋晚眺

薄暑不成雨夕陽開晚晴
鷄鳴還應候蟬老欲吞聲
白髮憐孤賞青藜罷野行
柴門一翹首愁絕遠山橫

王寅 三首

寅字仲房一字亮卿歙人有十岳山人集四卷

四庫總目寅嘗北走大梁問詩於李夢陽中年習禪事古峯和尚古峯曰吾徧遊海內五岳今將徧歷海外五岳而後出世寅聞其語而悅之因自號十岳山人其詩音節宏亮皆步趨北地之派而鑄語未堅時多

已籤卷二十

六

累句
靜志居詩話仲房緝鄉人之詩曰新都秀運集其詩論頗偏與岳東伯今雨瑤華相類田按仲房嘗遊西湖與高光州應冕祝戶曹時泰輩結社詩多見西湖八社詩帖

贈方生

憶昔歡宴坐爾堂爾垂綠髮雙肩傍
持觴執脰侍我飲開口即敢論班揚
袖中詞賦已盈軸誦之一一皆琳琅
驥子崑崙看神步鳳雛霄漢瞻
翱翔於今廿年聲名赫布衣來往金陵
陌寶劍常為俠士交雕軒濫作王侯客
王侯誰是平原君吁嗟使爾還沈淪
有才不肯自獻納空老風塵七尺身

湖心亭

雨後湖波漾轉嬌爛銀盤裏坐吹簫
四圍蘭漿三千頃雙帶

桃花十二橋亭壓蛟宮翻晚照沙沈塔廟說前朝虛窗鷓鴣
時來往自熟幽情不用招

西泠橋夕汎

西泠橋裏別風波西泠橋外夕陽多兩湖載酒春無數曲渚
藏幽約每過遠道伊人俱宛在中央沿遡欲如何蘭橈怨未
逢明月安得留連子夜歌

梁辰魚一首

辰魚字伯龍崑山人有遠遊稿

張大復梅花草堂筆談梁伯龍風流自賞修髯美姿
容身長八尺爲一時詞家所宗豔歌清詞傳播戚里
每傳柑榘飲鏡渡穿針羅列絲竹歌兒舞女不見伯
龍自以爲不祥
沈德符顧曲雜言崑山梁伯龍稱詞家有盛名所作
浣紗記至傳海外然止此不復續筆其大套小令則

己籤卷二十

七

有江東白苧之刻尙有傳之者浣紗初出時梁遊青
浦屠緯眞爲令以上客禮之卽命優人演其新劇爲
壽每遇佳句輒浮大白酬之梁亦豪飲自快演至出
獮有所謂擺開擺開者屠厲聲曰此惡語當受罰蓋
已預儲泔水以洒海灌之大孟梁笑索盡之大吐委
頓次日不別竟去屠每言及必大笑以爲得意事
靜志居詩話伯龍雅擅詞曲所撰江東白苧妙絕時
人時邑人魏良甫能喉轉音聲始變弋陽海鹽故調
爲崑腔伯龍填浣紗記付之王元美詩所云吳閭白
面冶遊兒爭唱梁郎雪豔詞是已時又有陸九疇鄭
思笠包郎郎戴梅川輩更唱迭和清詞豔曲流播人
間今已百年傳奇家曲別本弋陽子弟可以改調歌
之惟浣紗不能固是詞家老手詩律猶未細能聯
贖而已
田拔伯龍詞曲稱名家詩亦有麗藻

屈原廟

寒雲掩映廟堂門旅客秋來薦水蘩山鬼暗吹青殿火靈兒
晝舞白霓旛龍輿已逐峯頭夢魚腹空埋水底碑斑竹叢叢

雜芳杜鵑鳴飛處欲黃昏

王逢年一首

逢年字舜華初名治字明佐崑山人司業同祖子諸

生有海岱集

田按舜華狂士自謂慢世敵嵇康綴文敵馬遷賦詩敵阮籍述騷敵屈宋書法敵二王嘗為袁文榮客代草應制文字文榮有所改竄舜華退而上書曰閣下以時文取科以青詞拜相惡知天下有古人哉不辭而去

虎山橋問渡入五湖

人共說其文而後詩文遂

野水平蕪霜蹟銷蒼茫萬頃亂飛濤參差三弄醉遠客七十二峯迎畫橈細雨鳩鳴玄墓樹夕陽僧過虎山橋武陵源口

秦人路莫向浮雲問市朝

已籤卷二十

八

秦人袁景休一首

景休字孟逸吳人

孟逸吳人

列朝詩集孟逸喜為歌詩芒屨竹笠徧遊吳越山川歸而受一屨於吳市以賣卜終老劉子威以海內文章自負孟逸每向人挾搗其字句鉤棘文義紕繆者以為姍笑子威訴之於郡尉攝而答之尉數之曰若敢復姍笑劉侍御文章耶孟逸仰而對曰民甯更受答不能改口否舌妄諛劉侍御也孟逸死無子夫婦寄棺於法水寺上雨旁風暴露者十年死若撫草畫告哀莫有應者閩人林古度吊而悲之取一摺扇畫兩棺貯敗室中極荒涼慘淡之狀題詩其上曰兩柩荒荒牆裏存兩淋日炙傍頽垣君平善卜不自料伯道無兒誰與言儻仗詩篇埋白骨勝憑風雨閱黃昏何時墓上真行殯千古山松共姓袁以扇授僧收菴新安程月樵見而慨然出錢以庇窀窆乃得葬於袁氏祖山而古度書其碣孟逸為詩多口誦不屬草其於吳門詩人多所吮點而獨好林君撫今其遺詩二百餘首皆若撫口授也

送沈嘉則遊中原訪臧將軍

中原此去欲如何把酒聞君慷慨歌道上霜寒聞白雁馬前
木落見黃河五陵煙雨秋難盡三輔風雲氣尙多記得少年
曾學劍壯心猶自憶廉頗

黃姬水 四首

姬水字清父長洲人五岳山人省曾子有白下集十

一卷高素齋集二十九卷

藝苑卮言黃清父如北里名姬作酒糾才色旣自可觀時出俊語

列朝詩集清父有白下高素二集託寓懷婉以白下爲最勝云

田按勉之北面空同致失故步不如其子清父爲輕俊語吳人而吳歛也觀其自序白下集云壯心不死素髮易生雲霞鬱思江山灑泣昔人有游楚者病且爲吳吟子悲子之遊楚而吳吟也可以知其指矣

聽查八十彈琵琶歌

已籤卷二十

九

壽州鍾郎善琵琶國工斂手盛咨嗟阮朱絕藝那能續不惜
千金傳一曲八十從師廬子城五年技盡六彈成抑揚按捺
擅奇妙從此人稱第一聲今年客自郢門還瑤枝手把來蘿
關江湖聞名二十載相逢兩鬢風塵斑據床拂袖奮逸響叩
商激羽高梁上聯綿曲折抽芳緒悽鏘蹇劫生孤愴欲舒逸
氣更促柱切切嘈嘈作人語炎天冽冽滿屋霜白日飈颭半
窗雨雲停霧結池波搖木葉槭槭鳥翔舞迴颿驚電指下翻
三峽倒注黃河奔胡沙黯黯吹落月千山萬騎夜不發調本
弦鞞太苦酸相思馬上關隴寒從來慷慨易成泣况復秦聲
向客彈

田按汪伯玉查八十傳云八十名龜休甯北門人少負意氣務上人時壽州鍾山琵琶最善故嘗師樂師

張六老及老將謝彥明一時挾少若工師盡出山下
鎔泰千金為山壽師事山盡得山法久之過山遠矣
山歎曰耶君吾師也山何敢為耶君師嘗過金陵入
平康里為清彈諸美人無知者安氏媪年七十警矣
聞之大驚曰此先朝供奉曲也國工張六老能之客
何為者既而知其齋也起為按節相視以為知音消
父此詩所謂壽州鐘郎即鐘山也山字秀之亦見何
元明四友齋叢說

息園賞芍藥

淺白深紅間合歡絲絲香雨晝難乾直須一日三百盞無那
東風十二欄水上新傳錦字豔樓頭長怨玉簫寒可憐春色
隨花盡留興還應待月看

金陵古意

青門柳枝藏暮鴉經過游子未還家桃葉渡頭可憐水胭脂
井上斷腸花

已籤卷二十

十

題董姬描像寄遠

自憐眉黛未全殘說與行人淚暗彈君若比來思妾面畫中
猶勝夢中看

聽詩齋讀畫記董姬小像冊像為錢磬室筆項聖謨
題像右董姬真容莫雲卿題首頁別後容光不惜紅
顏持贈君十一字後有黃姬水絕句并序云蕭郎遠
遊韋娘獨處欲想彌年之恨難將千里之身感蕭郎
之流光悵錦機之芳訊托彼形管貌茲綺容村量肥
瘦想像憂歡色異昔時情加今日余嘉其事聊挾斯
篇又王寅題云錦箋寄盡如無寄又向王孫寄此圖
圖去可憐魂亦去迷人春路滿蘼蕪又李肇亭題
盾易寫心難寫一簇春山萬斛愁縱遣薄情拋擲後
斷繡零粉有人收剛信鍾情自古同似從鏡裏識驚
鴻憑君莫問秦淮渡我亦春愁寄落紅

孫七政 二首

七政字齊之常熟人有松韻堂集十二卷

田按齊之詩有標致與皇甫兄弟爲友其論子安東
覽勝於子循禪棲世以爲知言

豔曲

碧樹映紅樓佳人是莫愁竹枝堪引鳳花色笑牽牛舞罷月

初落歌殘雲欲流何妨千日酒醉殺秣陵秋

陳繼儒名公詩選齊之此曲膾炙人口白下兩院無
不有是詩粘壁者

三月三日自何山入天池修禊

弭棹尋芳去遂令仙路深幾重春嶂盡隨磬入東林潭影侵

空剎松風和梵音臨流無用祓蓮沼卽來心

虎邱劍池送化之弟之金陵

虛壑但空磬翠微多白雲清暉總娛客無那欲離羣雁向瑤

京去花當寶地分試看春草色知我夢隨君

已籤卷二十

簡紹芳二首

紹芳字西密新喻人有西密叢稿

玉筍詩談子鄉簡西密弱冠客遊滇南題詩山寺揚
升菴一見異之使人物色遂定爲忘年交在滇南唱

和及評較文藝惟簡爲多簡年幾六十西歸蒙山升
菴贈詩云金蘭意氣昔論文宴坐朝霜竟夕曛千里

馳驅來峽道十年羈旅共演雲交遊落落晨星散蹤
迹悠悠逝水分江北江南從此別何時何地再逢君

春思

青鏡衰顏倦眼看當春情思較無端江樓欲賦荊州遠劍閣

關心蜀道難細雨長隄芳草合晚風僧院落花寒小山叢桂

虛招隱卓帽從容管幼安

題昆明池廢妙湛寺

昆明池東妙湛寺延祐露碑豈記年螺房布地照白日鷓鴣草

披牆生野煙，圯臺竟作田。父徑欹塔尙，參先佛天山。門豈散
夜岑寂，燐火續燈漁叩船。

續玉筍詩談西畧此詩寫廢寺岑寂之態良自心苦其自言云鶻草草字雖出詩卽有旨鶻然心每不安後見嚴氏曰古人名物多取形似鶻之細腰者曰鶻盧蜂之細腰者亦名鶻盧正如綬草綬鳥皆名以鶻青黑之菸青黑之鳩皆名以鶻乃宿疑頓釋

朱陽仲

三首

陽仲失其名以字行遂甯人有青城山人集

明詩統陽仲刻意騷雅聲調意境似中唐以後人田按陽仲客死武林其友文卿黃中爲輯其遺集中有過陽仲墓詩云江關詞賦舊凌雲何事深山早築墳天上豈真無李賀人今猶自說劉蕡西風歸鶴空留恨落日嗚猿不可聞三十年前交誼在獨來披草薦溪蕨

俠客效沈四作

已籤卷二十

三

俠客紫駟馬風聲動七雄殺身赴主難破產事邊功挾彈新
豐北悲歌易水東平生報恩劍長有氣成虹

西湖採蓮曲

五月芙蓉浦花開勝若耶若將湖作鏡應照妾如花

出塞曲

雪盡洮河月滿營胡兒羌笛奏邊聲春風不到單于塞何事

梅花夜夜生

趙綱一首

綱字希大無錫人

和答王山人春日見寄

子規聲斷夕陽斜竹裏柴門掩落花幾度春來問行迹武陵

深處欲移家

陳言二首

言字于庭號豐山鶴侶莆田人

田按明嘉靖中莆田有兩陳言一字宜昌南刑部郎一字于庭布衣宜昌有怡老堂集其詩不逮于庭遠甚于庭善集句錢牧齋亟稱之

獨酌

兀坐茅堂下獨酌對疏雨孤村不見人沙禽自來去

寄劉紉蘭

南客江城坐寂寥玉人回首思迢迢春風兩岸垂楊柳疑是
尊前舞細腰

康從理二首

已籤卷二十

圭

從理字裕卿永嘉人有二雁山人集

詩數裕卿詩尤長近體七律閔壯豪麗翩翩布衣之雄

舟中哭朱海峯

旅食悲妻子孤裝執輓行諾會然宿昔心豈隔幽明角傍寒

城語濤兼夜雨聲聞關千里道君見死生情

田按裕卿故人朱海峯遠宦病革屬猶張目視裕卿撫之曰君勿憂遠道歸櫬此吾事也乃瞑裕卿跋涉水陸以其喪歸遠近皆義之王元美贈裕卿絕句云平陵結客晚知名使骨於今死不輕若見宗人子元面莫將蕭育擬康生

觀音閣

古寺夕陽邊憑虛思渺然江聲猶楚恨山色自吳年宿鳥回
清磬孤舟逗野煙長廊燈影寂徐步禮金仙

鄭若庸 一首

若庸字中伯崑山人有蛭蟻集八卷北遊漫藁二卷

明詩統虛舟山人客趙與謝四溟齊名今觀其詩氣格稍弱

代人寄遠

病骨經秋強自持
寒條飛葉費相思
可憐陌上垂楊柳
不似君來繫馬時

顧聖少 一首

聖少字季狂吳人

田按季狂曳裾王門亦遊王李間于鱗援之以薄四溟非其敵也

送呂中甫遊青州

莊嶽街前雪未乾
兔園詞客駕征鞍
東遊時過田單壘
留得

已籤卷二十

丙

聊城一箭看

鄭孔庶 一首

孔庶字子富歙人

漫述

醉減青春賞愁添夜雨思
田園徵稅後江海困兵時
老訝蓬雙鬢窮憐寄一枝
交游怪疏懶半月未成詩

鄭玄撫 一首

玄撫字思所歙人

明如曲

一朝辭鳳輦萬里度龍城
漢地愁中盡胡冰
淚下生風霜容
易改歌舞恨難平
落魄甘塵沒歸心向月明

戴璿一首

韞字子京休甯人

漫興

把酒花前相對攜琴竹裏獨還石上一泓流水天邊數點青

山

吳擴二首

擴字子充崑山人有長吟閣稟貞素堂集

野獲編相門山人分宜有吳擴華亭有沈明臣袁文榮有王穉登申吳門有陸應揚諸人俱降禮為布衣交惟江陵太倉無之今則執廝隸役作倡優態又非諸君比矣

靜志居詩話子充游大人以成名嘗於元旦賦詩懷分宜閣老其友聞之笑曰歷頭第一日懷中朝第一品官循是懷人即歲除亦輪不到吾輩此可入啟顏錄嘉靖間山人若呂申甫謝茂秦之徒排難報恩不

已籤卷二十

五

無可取若子充所謂斗筭之人無足算也

陪貞菴周公宿淨慈禪院

湖南名勝地一宿遠公房林淨露織月境幽聞妙香水螢過

幌溼松吹墮衣涼近接尙書履東山興未忘

懷桂秋林病

維摩閒卧病野客阻江波未得山中信春來竟若何愁隨芳

草亂思入暮雲多濠上祇園寺何時一棹過

春日山中懷人

草閣焚香卧白雲遠攜書劍謝人羣山蔬每許林僧供澗竹

還同釣叟分暮雨落花愁裏盡春風嘯鳥夢中聞天涯隔歲

無消息漫採瑤華欲寄君

邵正己一首

正己字格之休甯人有立石山房草

靜志居詩話格之專精墨務詩亦斐然

閨情

旭日照樓臺春衣懶自裁羞看梁上燕雙去復雙來

汪寬一首

寬字子敬祁門人

涇縣道中

十月山行晚林深霧靄昏壑雲遙度嶺溪樹忽逢村歲晏魚
龍蟄風寒鳥鵲喧窮途誰與慰到處覓芳尊

陳有守一首

己籤卷二十

六

有守字達甫休甯人

新都秀運集達甫弱冠從親宦長平一見常評事倫
歸而詩名遂起

秋日過大雲寺

出郭躡雲岑祇園淡午陰林疏風葉下壇窈雨花深石室僧
初定金堂梵欲沈寥寥方外趣殊了去來心

李敏一首

敏字功甫休甯人

新安秀運集功甫詩切事嚴偶五言律多有可誦

送金景茂之鳳陽

驄馬紫絲韁征人向鳳陽天形入淮泗山勢引濠梁古毫元
湯業新豐本漢鄉皇陵瞻王氣盤鬱樹蒼蒼

汪淮一首

淮字禹父休甯人有禹父詩集八卷

弇州山人續稿禹父詩能程則古昔不倍格庇材取宏徵事取覈其色聲耦矣意象協矣

葆真山院餞送南粵子

白鶴仙壇迴丹房上客棲徑深人不到林靜鳥偏唳移席松陰滿出山雲氣迷天涯有歸路芳草正萋萋

陳鳳一首

鳳字羽伯更字鳴岐無錫人有石邨藁

靜志居詩話明詩人同姓名者甚夥然猶世代相去字里未同至金陵陳鳳字羽伯梁谿陳鳳亦字羽伯兩君詩皆平平既無春城寒食之作可別韓翃始猶兩存終愁雨湮沒耳

湖上同秦從川晚歸

已籤卷二十

七

信宿蒹葭幽思生歸櫂湖上雪花迎疏梅古道未堪折高雁寒雲空復情渴病憐余尊酒廢酣歌愛爾玉山傾野人何必金莖露細茗清泉得自烹

朱察卿二首

察卿字邦憲松江華亭人知府豹子有醉石集十五

卷

田按邦憲以任俠名詩亦有英氣

哭董子元

文章追大雅意氣薄層霄論世惟存古千時懶折腰病因懸磬得愁以蓋棺銷後死吾猶在哀魂不可招

送劉叔球遊茅山

詞客禮茅君春城花正殷江煙孤鳥破樹色一帆分日月依
丹竈樓臺浸白雲試尋弘景宅芳草帶斜曛

方學漸 一首

學漸字達卿桐城人貢生有連理堂集

田按達卿講學敦篤孝友砥礪名節堂有楓杞二樹連理而生因題堂曰連理集名以此

水簾洞

洞雲長日靜流水不曾閒坐見寒流去悠然自閉關

王夔 一首

夔字宗順泰州安豐場人處士良子有東崖遺集一

卷

靜志居詩話東崖隨父心齋之會稽傳陽明良知之學吳興沈桐贈之詩云念子賢者後至理早已融譬

已籤卷二十

六

彼三世醫指授甯無從詩其餘事然亦有活脫之趣田按東崖詩宗擊壤

述意

小圃忽經風雨惡數花摧老惜沾泥道人重念栽花意盡日

無聊對酒卮

陸楫 一首

楫字思豫上海人太常卿深子國子生有兼葭堂集

七卷

送大行何壑樵還朝

錦帆斜挂度微風滿載圖書一鏡中官道清霜凋漢柳海天

殘雨暗吳宮九重鳳閣凌虛上萬里星槎有路通當此只今

憂正切夜深前席問疲癯

牟嘉敏 一首

嘉敏字寅定黃巖人有霞溪漫稿

田按寅定詩聲調瀏亮當時布衣之秀

秋夕書感

蕭蕭木葉下長洲露白山空玉宇浮古埭荒蒲寒雁集野塘
疏竹亂螢流城頭五夜笙歌月海上千村鼓角秋卻笑虞卿
頭已白一生惟抱著書愁

唐詩 一首

詩字子言無錫人有石東山房稿

橫江曲

家近橫江口年年傷暮春落花隨水去不為待歸人

已籤卷二十

五

張士淪 一首

士淪字心父崑山人有心父集

悼舊詩 文太史徵仲

太史義皇人金門曾待詔清夢繞邱園一夕謝華要器匿瑜
瑾瑕墨掩淵雲妙絹素散寰區聲名播夷徼憶警先君文登
堂愧年少執手賦停雲綢繆成燕笑未遂平生私清暉蔽雲
嶠玄壤長青松拂膺自悲嘯

吳錦 一首

錦字有中休甯人有集

贈查八十

曾遂鍾山侍武皇鷗絃屨從宿長楊歸來兩鬢渾如雪曲曲

新聲總斷腸

吳瑗 一首

瑗字子欽歙人

春暮

鵲報曉窗春去草迷長路人歸獨坐小亭無事燕慵鶯懶花
飛

汪少廉 一首

少廉字古矜休甯人有汪山人集十八卷

送程師道赴戶部金陵之招

畫省移書走馬迎暫辭援鶴入神京漢皇未賜金莖露僊客
空尋赤石英驛外雨晴關樹遠山中春煖藥苗生歸來早遁

已籤卷二十

子

韓康迹莫使時人識姓名

程柵 一首

柵字來周休甯人有友石山人藁

賦用蓬兄心遠軒

陶公心自遠結屋在人寰飲罷杯中物起看溪上山地偏芳
草積天迴白雲還鄰父時相過班荆共解顏

范如珪 一首

如珪字文瑞休甯人

江上

雙流回合激清湍映帶沙村八月寒可惜波心沒釣石老夫
何處繫漁竿

郭第一首

第字次甫丹徒人有廣篇

列朝詩集次甫隱於焦山有向平五岳之願自號五
遊圖其石曰玉臺執蓋即何元明稱其江月不可留
山雲坐相失之句以為駸駢窺盛唐之室又有詩云
世外風光君見否嶺雲東去是蓬萊孫齊之愛其神
采每為人誦之

詠井底花影贈李太常

素纒夜不垂寒波曉合潔嬌英被銀床葳蕤弄澄澈對月還
對鏡堪賞那堪折細讀太常詩冷然瑩冰雪

陸九州一首

九州字一之無錫人

采蓮曲

已籤卷二十

三

吳門女兒官樣妝荷花羞臉綠羅裳輕裾玉腕擊波去不是
章郎亦斷腸

陸光宙二首

光宙字與常平湖人有鋤餘集

靜志居詩話與常隱居郊園與宋旭初賜璩之璞君
瑕輩一十八人結文酒之社晚夢一道士持陶靖節
小像索題諦視之即已也題云在晉為淵明躬耕辭
五斗昔以節自持今惟義自守千載復歸來春風吹
五柳曾識白蓮人遠公是吾友蓋十八人中有白蓮
道人如本也翌日復作偈言投筆而逝鄉之遺老至
今傳之
橋李詩繫與常晚稱頌石老人超絕世好每當初秋
徂暑以紫蓋青蓋破帽野航浮遊三洲間曾過嘉善
觀幽欄泉寺僧不為禮乃題一詩於壁云山僧不解
事客至莫呼茶羞殺欄泉井青苔覆落花既去有人
見詩追跡之不得其託寄高曠若此

贈方高士道成

發老故多資身著千金裘任俠獵聲譽盡散裝吳鉤易轍誦
墳典上策不見收文章古作者詩些洪波流晚悟無生理身
世等浮漚頽然一貧衲不易五諸侯

曹氏園

半畝池蓮竹三間屋對花草玄揚子宅傳易种卿家白日摩
晴鶴青天點暮鴉客來邨店近沽酒趁魚蝦

戴乾一首

乾字元泉桐城人

述古

淮陰一餓士得志遂王齊功高非不賞曾貴身乃危兔死走
狗烹人情重堪疑漂母呂氏后生之復死之生死婦人手英
雄徒爾爲進食不望報斯言可啟迷何必蒯生計追悔臨刑
時

己籤卷二十

五

鄭坤一首

坤字順卿吳人

盛明百家詩順卿試賦有蕭散清逸之風

題一撿紅牡丹江左體

青山花氣含蔥籠層軒直倚碧雲中玉瓶絕代瓊蕤豔妖血
一點臙脂紅捧將歌扇披香霧小垂舞袖低春風賞心樂事
不易得高宴詩家幾度同

汪坦一首

坦字仲安鄞人官貴州有石孟集十七卷

田按屠緯真序石孟集云仲安以仕宦奔走南北至二十年是曾通仕籍者又宣風館詩云羅施升斗還叨竊是又曾官吾黔矣詩綜乃云仲安爲太學生疏矣

宣風館用陽明先生韻

雨沃新苗翠已痕石溪曲曲正流渾千山淑氣開南楚十里
鶯聲自一村未有涓埃露白屋漫留燈火照黃昏羅施升斗
還叨竊慙問湘纍萬古魂

秦嘉禾 一首

嘉禾字吾田桐城處士自號大龍山人有彭澤稿

徐漱桐舊集潘蜀藻曰大龍山人工書法有里人求書於文待詔徵明者文曰子鄉有秦吾田子奈何愛野鷺而失家雞也其爲名流推重如此

秋興

已籤卷二十

三

停雲亭畔枕書眠夢到江樓月正圓一曲洞簫吟露冷玉人

此夜隔風煙

董宜陽 一首

宜陽字子元上海人國子監生

送吳山人

季子十年別相逢各惘然愁添烽火後興落酒杯前大隱藏
吳市新詞逼桐川不堪重分手離思慘寒煙

董伯章 一首

伯章名彭以字行閩人嘉靖中布衣

送人之咸陽

勞歌唱渭城行子赴西京關月聞雞落秦雲帶雁橫花香燼

曲夢柳色灞橋情莫令歸期晚秋風白髮生

晏壁 一首

壁字 廬陵人

相山

司戶神遊不計年尙留遺蹟相山邊白蓮舊社人何在青草
春池夢不傳石鼎茶香看睡鶴空山花落聽嗁鶻幾回獨立
蒼茫感斗酒何能賦百篇

張桓 一首

桓字 新喻人

秋夕有懷

雲淨長空鶴在林家山萬里倍關心寒蛩四壁夜將午孤雁
一鳴秋已深旅枕白欲鄉夢短客衣未授早寒侵空庭似水

已藏卷二十

五

誰相問獨對殘燈擁鼻吟

顧澄 一首

澄字淵甫上元人嘉靖中諸生

田按淵甫寶幢居士之弟

遊宏濟寺

蘭若臨無地山腰駕佛堂水花分藻井巖翠拂虹梁海月臨
空關天風動渺茫洗心飯淨業白首事空王

夏簡 一首

簡字季文黃巖人

春日宿山家

野水帶殘霞行隨一徑斜青苔惟鳥跡深樹有人家夜雨還
驚夢春風自落花山人多古意沽酒話桑麻

汪時元 一首

時元字惟一休甯人

鸚鵡洲弔禰衡

洲今沈江矣

黃鵠磯頭日夜聲似猶鸚鵡賦初成于今明月懸江漢何處
芳洲問禰衡古木一川秋色盡寒濤千載暮煙生臨觴忽有
悲風起激楚陽阿氣未平

已籤卷二十

五

